

四庫全書

史部

欽定四庫全書

史部

路史卷二十八

詳校官庶吉士臣張溥

編修臣裴謙覆勘

總校官庶吉士臣何思鈞

校對官中書臣李荃

謄錄監生臣王焜

欽定四庫全書

路史卷二十八

宋 羅泌 撰

國名紀五

周氏

虢

郭

仲之封為西虢在岐今鳳翔虢縣

通典云岐州虢縣西

也東遷之際自此之上陽為南虢矣其處者

為小虢秦滅之

秦武公十一年

亦俱曰郭

公羊曰虞

郭鄭玄碑言郭叔禮記注虢或為郭在武都南百里有虢城集韻引傳攻郭音虢

東號

叔之封制也今鄭之榮陽有號亭

世紀以成
阜為東號

叔之封故通典以洛之汜水為東號國即制邑左傳云制嚴邑也號叔死馬制今在孟之

汜水漢之成臯

臺冢在焉

水經濟水南厯號公臺皇覽云基址及冢尚在

或

云仲封者非

左疏亦云東號制也賈逵虞翻等謂叔為西號仲謂東號誤

南號

上陽是

上陽城在陝縣之硠石鎮西三十六里常陽驛之東南下陽即今同之下

陽服氏亦云在此下夏字通杜謂河東大陽亦非馬融云叔封上陽仲封下陽疏謂二地皆號邑不得二人分封其處

今號之號畧正曰南號以其

仲後所都故亦號西

九域志周封號仲非世紀三號仲為西號不在

此春秋公子譖上

陽虢叔之後亦非

北號

男爵今陝理西四十五里故號城是

漢志弘
農陝故

號世一以州治
城為即古虢國是為大陽

漢志北號在大陽
東號在榮陽西號

在雖今按陝平陸皆漢之大陽地天寶元
年守李齊物開漕得古磚有平陸字改焉佑

以此為仲邑仲後也

盧氏

地道記郡國志皆云西號之別詳商世侯國

夏陽

序之封晉滅之

舊二年

今陝之平陸

見歐志廣記

漢

夏陽城又在韓城東北百三十

斂

康公邑在緜氏

杜云緜氏西北舊有斂亭

或云

魯地非也

襄公十五年盟于斂地不在周

世作劉繆故說文

惟有鎔然古亦無之

詳字經

岑

渠之封

文王異弟之子

今梁國北岑亭風俗通云古

岑子國

右王季之穆

齊桓公遊于郊見亡國之城焉訪諸野耋

郭氏之虛也公曰曷其虛對曰善善惡惡

公曰善善惡惡固政之媿也奚而虛曰惟
善善而不用惡惡而不去也公歸告管仲
仲曰若人者為誰惟弗知也曰然則君亦
一郭矣公退招野耋而進之故春秋書郭
亡猶梁亡者言其所取亡也夫亡國之亡
也未嘗不以其取亡者也今郭之亡所善
不善而所惡不惡也所善不善則無貴于
知善所惡不惡則無貴于知惡矣奚其在

始郭君之出也徑諸澤語馭者渴馭者進清酒語飢欲食馭者進梁肉脯糗君曰何給對曰臣昔儲之為君之將出亡道飢渴也曰然則若知吾且亡乎曰然然則孰不告對曰君喜道腴而難至言誠恐先君之亡也君怒馭者辭焉曰今天下之君無賢而吾君以獨賢泰賢此其所以不之存而之亡郭君於是伏軾而詰曰賢顧若是難

邪舍車蹠山中屈飢力解枕馭者而寐馭者易之塊疎行而亡之郭君餒死中野詩

云聽言則對誦言如醉郭君之謂也

惠王七年

詩外傳云為狼所食

齊湣居衛謂公王丹曰吾之所

以亡何也公王丹曰主之所以亡賢也天

下之主不肖而惡主之賢也湣慨然曰賢

固若是苦耶此亦不知其所以亡而亡者

公王丹之所過也若宋昭之出也俯謂馭

者吾今知所亡矣被服而立侍者無不曰

吾君麗者發言舉事朝者無不曰吾君聖者內外不見其過茲吾所以至於此也宋

公于是草心易行安幾行道居二載宋人

逆而復之死謚曰昭故君子莫大乎自克

吳語云楚靈無道其民不忍飢勞之殃三軍叛之乾溪屏營山中見消人疇而呼之

曰余不食三日矣疇進枕之股及寐易之以塊去之比覽無見入棘闈弗納乃入于

申亥氏縊焉此事相似

余稽四號先後南北知郭公

之非是而代莫之明也故并及

按此郭乃莊二十四

年之所書者賈誼書作號君亦曰郭新序
乃北燕之地寰宇記云聊城今有郭城博
州圖經云上國郭氏之虛是也管子亦言
桓公之郭問郭父老何以亡春秋地名云
號北燕之地與齊接境與四號

不相及諸家皆不知郭公繆文

魯

齒也曲阜少昊之虛

曲阜小地名在魯城中委蛇七八里

古城

十二門

魯國記

七門有鹿菜石櫛上東子駒等

大中祥符間曰

仙源隸充

管

今鄭治管城古中年

自漢為中年

開皇管州

十六即

楚子次
于管者

大業三為鄭

武德三復為管

蔡

今蔡治上蔡

漢縣

伯爵

仲子

括地圖云豫州

北七十里上蔡古蔡國縣西南十里有故蔡

城蔡山岡故國也

轉

侯爵

穆傳邢侯晉侯來吊紂為伯毛駢雖霍皆伯祝駢言文王子惟晉為伯左妾

興仁之濟陰漢之定陶東北四十七濟陰界

有定陶故城即古轉國南二十有轉城有轉

南山周為轉州

今興仁府

成

鄭是也伯爵濮之雷澤北三十故城是漢屬

濟北晉屬東平後遷其陽曰成陽

漢隸濟陰京相璠云

東即廩丘南故郕都故寰宇記雷澤古郕伯姬姓國縣北有郕都故城誤也按漢止有城都屬山陽非此之郕與成陽樂氏妄爾

與周

成十三年公圍成乃周地

層

郕魯

邑蘓之成異

隰郕蘓忽生邑在河內

霍

伯爵霍也始亦侯

穆天子傳霍侯薨

今晉之霍邑有

霍泰山霍水郭璞云平陽永安西南汾水之

西有霍城非六安之霍

壽之六安霍山天監貞觀為霍州

衛

侯爵故朝歌本衛州衛縣

周為州隨為縣

熙寧六年

省為鎮入黎陽

天聖四年以衛隸通利軍熙寧三年廢復隸衛州六

年省為鎮

毛

伯爵

原父得毛伯敦蓋于扶風文稱伯

河南籍水傍有毛泉

近上邦

駉

伯爵肉也

邴同

本作肉

駉龍字亦音染

京兆今有肉亭

世繆為駉

僖二年鬪卒因鄭駉

伯又異集韻駉那丹同音男益失

告

子爵

僖二十一年來朝

鄆也今登封有廢鄆城是為南

鄆與晉鄆異

太原今有鄆城所謂箕鄆者

鄧

伯爵今懷之修武有故鄧城范志云山陽有

鄧城

杜云雍城在河內山陽西

周

罟有鄧公緘鼎非秦之

鄧

岐之鄧縣今鳳翔之天興陸倉城秦之都

滕

侯爵

僖十九年滕子在賤本徐屬縣詳黃帝後國

後遷公丘

而地為小邾故充之龔丘有古滕城

今滕縣西南十

四里城在字一從水

亦作𦨇

畢

周世居

太王王季皆都今京兆咸陽有畢原畢陌中關

記云高陵北有卑原卑陌南北數十里東
西二三百里無山川陂池井深五十丈

詹

桓伯曰我自夏以魏駘芮岐卑吾西土也卑
芮岐魏自昔為周邑矣原卑皆三公

原

伯爵今澤之沁水縣西北有故原城

晉伐者後趙

同為原大夫即此或云忽生邑或云濟源水經云濟有二源東源出原城即晉伐者今孟

州濟源西北九
里有故原城

豐

侯爵初文王作邑以治南國今永興鄂北二

十豐水之西有豐故城寶華云在長安縣之

靈臺鄉

通典鄉在長安西北

荀

侯爵

詩云荀伯謂諸侯伯

珣郇也今猗氏西南古郇城

是佑云猗氏古珣國

元和志西南四里
絳之正平西十五里

竹紀

年次于郇者

徐鉉云荀姓郇侯後宜用郇字
世云今河東多此姓不作荀青

或云郇之三水拘邑非也晉伐荀以賜原氏
則河東矣汾水所經荀城也

應以荀為伐
晉之郇侯誤

右文王之昭

唐虞稽古列爵惟五分土惟三公侯百里

伯七十里子男五十里由夏達商未之有
改至于武王雖曰反商政則因舊故班志
云周爵五等其土三等弗可改也孟軻曰
天子之制地方千里不千里不足以待諸
侯公侯百里不百里不足守宗廟之典籍
子惠子云天子封圻千里公侯百里伯七
十里子男五十里虞夏殷周之常制也而
子產亦謂天子一圻列國一同自是以哀

古之言封建無以異者王制之書州建之國亦不過乎五十若七十與百里正有合乎子思孟子先王之制斷可識矣獨周禮書諸公之地方五百里侯伯子男率百里而差之果周制乎夫以男國百里食四之一為五十里餘為所比之封附庸土也然子伯侯公地乃大異諸公之地乃至二千五百縱食其半猶當二百有五十如千

二百五十則以多如五十則以少其果然
邪顧魯侯也而百伯之地豈治世法哉粵
自周襄上失其御諸侯無政謾相侵併而
後土宇逾越燕越之墻埒于王圻而齊未
耜所刺方二千有餘里秦地為方千里者
五郢楚且以六千而為人役故子產曰今
之大國兼數圻矣此諸侯所以惡其議已
而圯其籍又從而屏之制曰上公之地方

五百里且謂成王以周公為有勲勞故特
加之四等之上使兼二十四附庸者益以
罔矣夫太公之封齊周公之封魯地非不
足也而儉于百里此孟子為魯人言者于
百里猶曰儉則周公太公何嘗越百里哉
今魯為方百里者四十九有王者作則果
在所損乎在所益乎徒取諸彼以與此然且
仁者不為况殺人而求之乎形方氏制邦

國正其封疆無有乖離之地正使小國事
大大國比小是先王之意也公侯伯子誠
使咸依司徒之數則職方所率千里惟可
四公蓋禹所正八州不過三十二公侯伯
以降已不容厝設以盡為男邦亦不能八
百國王制之千八百豈三千所容哉說者以周

九州方七千里州得千里者六以千里封
四公又以千里封六侯又以千里封十一
伯一千里為二十五子一千里為百男凡
百四十有六國不及二百一十之數猶一

千里取之以封五十九男六侯之方餘二百里以封四男十一伯之方餘一方以封一男凡六十有四男合一百四十六為二百有一十儒之無特見至此且魯方七百里為公侯地百里者四十九為伯地七十里者百云十伯之地尤疎

滅

鄆

秦

乾時之戰有秦子莊公所臺處

三十一年

柳

展禽邑地理風俗記高城縣東北五十有柳

亭故縣世謂辟亭

成

桓六年城預云泰山鉅平東南

郈

厚也叔成春秋齊之湏城東三十六有郈城郈亭

鄆氏云闕其南面叔孫所隳也

費

二

鄭也

僖公以鄭賜季友季利涉編古命氏云
費氏出魯桓少子季友有勳邑于費

今沂之費西北二十有故城

臨沂東三十六

一作桀

古文書桀讐或作桀
誤桀音背惡采也非河南費

顏

郎
預云高平方輿東南郁郎城方輿今單之魚

臺

防

臧氏邑魯東荀昭公五年莒牟夷以來

以防
茲來

即齊魯會處今密之安丘有莒城莒亭

瑕丘

二

桓庶子萊漢隸泰山

公叔文子升瑕丘項羽紀有瑕丘申陽申陽蓋

名孟康以為瑕丘人姓申名陽姓纂自為一姓因文韻之說

今兗治瑕丘

瑕丘在其西南與衛之瑕丘別

衛瑕丘在今濮陽東南三

十四邾子負瑕也

穀梁

酈氏云博陵有穀梁城

陰

下陰

襄之穀城東北有陰城師古云古陰國乃故

鄼地又有下陰在陰城之西後之所遷

昭九年

公子赤遷于下陰今光化乾德

漢陰縣隋陰城

穀

新蔡

平侯都今蔡之屬

志云平侯自上蔡徙都此

或云黃梅

開

新蔡今黃梅有石蔡山
出大龜在廣濟並蘄

州來

昭侯徙此號下蔡今壽治唐屬潁

春秋時有蔡成公輿

地記成公徙此

樂史云下蔡有二處水經淮水東岸

一城即下蔡新城二城對據是也

卞

季武子以自封者今兗之泗水開皇中以故

卞城置

十六年

牟

登之牟平在牟山陽而夷平開皇之牟州三年

康

姓書康叔故城在潁川孔安國宋襄以為畿

內國

漕

本曰曹戴公居

宋桓公立之廬于曹

泉水載馳皆言衛

地今滑之白馬衛之下邑

西征記今白馬城古衛之曹邑戴公

東渡河處此文公
遷楚丘今衛南縣

楚丘

郡國志成武有楚丘亭

城冢記齊桓公築衛文公居僖二年所城

杜云在成武西南

今澶之衛西北四里楚丘城也

非拱之楚丘

今楚丘縣戎州之邑即戎伐凡伯處鄆氏以為文公徙此九域

志南京有楚丘晉文公作

石

碏邑周有石尚姓書云王父字為氏非

斥

文八年晉解揚歸斥戚之田于衛者

儀

襄

仇也柳莊采襄氏地

彌

戚

讎也衛附庸

在河上文元年注相之臨河東有戚城

世家以為

宿

如宿舍于宿左皆作戚

河流北過元城而戚在河外

故陽虎從晉伐戚曰右河而南必至焉

襄二十六

晉伐衛取戚

今在衛縣之南

預云戚頓丘衛縣西今戚城在枯河之東

春秋之時河與晉異由晉而言河西為內東為外故云戚在河內春秋時在河東也

集

韻並音錄

元 咎邑今大名之元城應云魏武侯公子元邑

甯 陽處父聘衛過甯者一作寧今拱之寧陵古

信陵故魏安僖封弟於信陵號甯陵君然甯

城在獲嘉而武陟亦故甯

沈 肉叔初封預云平輿有沈亭平輿城在今蔡
之汝陽東汝水南通典云古沈子國

北部

宋併之

桓二年取郜鼎

今曹之考城東南有北部城

鄭樵云南北二部
城在單之成武

鐸

滕叔初采今沛之公且

潘

番

魏王地記云下洛城西南四十潘城是

畢分十三

州志潘在廣平
城東北十里

龐

畢之分龐鄉越世家所謂讐龐長沙者

馮

唐韻鄒姬姓國本說今范陽李澤中有馮水

即古馮池故馮夷國

魏

在安邑芮近

寰宇記芮城北五有魏
城即萬所封周八里

樵云河

中河西縣河西熙寧三省入河東縣

大梁

魏惠六年自安邑徙大梁遂曰梁

孟子見梁惠者今

開封祥符昔之浚儀而汴城西有故魏城魏

惠所築

九域志古樂城
畢公高築謬

張儀所謂四平無名

山大川之阻者東魏為梁州

令狐

魏顆邑晉惠公濟河圍令狐者

僖二
十四

今猗氏

西十五有故令狐城

智

懷

寰宇記懷州云管蔡廢紂封康叔為懷侯于

此即為衛後遷河內晉于是啓南陽狄伐晉

圍懷者覃懷也

宣六

紀年秦伐鄭圍懷殷或云

墮懷忿生之邑今懷之武陟西有故懷城

恒

康叔孫封楚有恒思公世本云後有恒氏

右文昭之分

周監二代封爵五列子弟勲賢必參封之

秦除五等設爵二十身稱皇帝而子弟為

匹夫微侯關內一至無廟可立二世國絕

漢祖龍興創其孤立奮然封建然而襲秦
戰國先王綱紀掃地之後莫究其事忽忽
啓土設爵二等大王小侯張耳吳芮韓信
彭越臧荼黥布韓信盧綰異姓之王者八
蓋時求安反仄不得不爾而王之號遂為
臣下常稱二年立韓太尉信為韓王四年
年遣良操印立韓信為齊王高

帝之約異姓非功不王至呂后遂破約王
台祿產自茲不改洎建武初尚襲二等皇

子為王而其餘以列侯及是朱佑峙議天
無二日人臣之爵無過于公于是正為郡

公十五年已復稱之識者蚩焉十七年曹氏始

列郡王晉且封國皇子稱王而王之子為

侯太始元年子弟者二十餘人宋齊以降爰復列郡陳

室即有郡嗣藩之三等逮乎元魏王公侯

子分爵為四皇子若元功異姓稱王皇族

若始藩為公王大郡公小郡于是王者七

十旋為六等北齊因之大氐于晉宋若梁
靡異開皇國郡王分九等煬帝謾以王公
侯為三等李唐之起務廣宗藩自從兄弟
郡王數十孩提並列及文皇堅封屢說疎
悉降公時惟數有功王而止貞觀之十一
年即詔前元景等三十一王督刺代襲後
復制皇兄弟若皇子為王皆國親王太子
男為郡王庶姓卿士功業特盛亦得郡王

由是異姓卑王侵尋戰國五季之事至德
之元迄大厯三異姓王者至百一十有二
不亦異乎比後之世更以王子兼師保官
果何為邪夫以此號既立既久而不可易
邪則世祖固嘗改文皇固嘗降矣以吾之
子弟非王其號不足以貴之重之邪則文
武成康之親子弟管蔡成霍孟晉之徒止
于侯伯一適之外其子不過守其故土或

食卿采公且無有未始不貴且重漢魏而

下蠻酋冷伯王稱且不勝計其果重乎南

粵尉陀若閩尉粵亡諸四夷酋長固不得

同中國

如嘵韓賜之璽綏南粵元鼎即賜之相及內史中尉太傅印得自置

非賜矣然漢王子曰諸侯王徒名王而其實

則諸侯言之不順而有此目則名浮之無

益辨矣聖人復起果將奚先亦惟名之必

可言而已

季札辭國胡翼之以為見父兄之王號難乎革也革而不用則

左右國人習于借擬之久有所不順因而
不革則非季子之心自度有不足以辨此
故辭之以全操使有伊周材具則不辭而
為之矣水惟就下人惟從是安有習于借

擬之久而

不順者

晉唐

世本云叔虞居鄂今大夏故云唐本堯封在夏虛

故唐都鄂夏虛也晉陽後曰晉以水名今并之陽曲故平晉西南十六有叔虞祠墓故詩止曰唐

韓

同之韓城南十八有故韓城韓原也秦晉戰處古今

地名曰韓武子食采韓原一曰宗丘與臨晉近謂之少梁

于 邢也今懷治河內故邢縣有邢臺邢城

京相云

內野山西三十有古邢城邢亭邢臺水經云故邢國一云祁氏邑在陽曲東七十即為

邢者周以與

或作邢誤

雁

今作應

古應侯今作雁

侯爵

韓詩應侯范增世為應侯

盟會圖

云汝之魯山有故應城今在葉

隸汝有應鄉

翟

孝伯封狄城也續志臨濟本狄國唐韻云春

秋時狄國也

寒

侯爵定公三年有寒氏晉地一曰五氏南宮

中鼎云王在寒師即此字書鄭以為

右武王之穆

武之穆四唐為長後曰晉次桓叔韓是也
邢三雁四而狄寒亦其別者富辰曰邢晉
雁韓吾知其說無推次也惡戲聖人之經
畫大畧為世長慮豈後世腐爛之儒苟目
前者之所知耶昔者周公弔二叔之不咸
于是封文之昭武之穆者二十有餘國二

叔不咸周公宜戒同姓彊大之禍而弱宗國矣乃復大封同姓焉此可與腐儒苟目前者言與先漢孝武懲七國彊大之禍于是務削宗支逮元成時宗國蔑矣而移漢者王家也孰為來哉孰為來哉凡四國之分封者今復條于下方

曲沃 成侯之居以封桓叔故地有晉先君之廟獻公城之居申生曰新城漢為曲沃今隸絳潘

岳云陝之曲沃是也

絳

穆侯居

見詩譜莊公二十六年士蒍城之

二漢為縣今隸絳

有絳山絳水有故絳城在翼城東南曲沃南

二里

元和志周勃邑號絳邑故城

景公遷新田又曰絳乃

以翼為故絳二

後魏北絳縣在翼城南絳在絳

翼

孝侯居因曰翼侯蓋與絳近今翼城東十五

有翼故城絳邑之東八十

隱五年伐翼者集韻云國名

云

即絳改非

鄂 翼九宗嘉父逆晉侯于隨納之鄂曰鄂侯晉

地

隱六

端氏 澤之屬縣西北三十有端氏故城

郤 叔虎邑俗作郤

緜 郢也預云野王西南有緜城今在懷之河內

隱十一年王以緜租攢茅等十二邑與鄭易
鄖劉為邢田後復歸周以賜晉文公故又屬
晉

畜 僑鄙也邢侯邑曲沃南二里有故鄙城離子

奔晉與之鄙者姓書有畜氏鄙氏云因非子

畜養妾

涉 涉佗邑漢之涉今隸潞

苦

苦成也王符云邾犨采于苦曰苦成故城在

鹽池東北後或為楷齊人改曰車成又作古城繆

冀

芮城西三里有郤芮墓芮死文公命闕下軍

大夫復與之冀今晉之冀氏芮故邑

張

晉分漢張縣今邢之任是

郡縣志縣西南二十七即濟陽城

王符云河東解邑有張城西張城

呂春秋云
魏之分非

解

唐叔後今河中臨晉東南故解城在桑泉之

南虞鄉東三十

城猶屬解舊十五解梁以
賂秦者非賂二十二之解

後

魏為二

南解虞鄉北解臨晉

以蚩尤體解名

集韻音
蟹經

揚

一曰揚氏寰宇記趙氏之寧晉春秋楊氏

說文

揚舉也二漢揚縣今晉之洪洞南十八有故揚

城地道記揚侯國

云晉滅賜號
郡縣志同

續 狐鞠居采謂之續簡伯

溫

叔虞後封在河內狄滅之

僖十年
子奔衛

襄王以

賜晉郤至采焉曰溫季

狄臻陽處
父亦采此

祁

太原祁縣有祁奚墓

哀字記在聞喜
東二十二里

介

步

郤步揚邑玉篇作郤云亭名

孟

孟內孟大夫祁氏漢縣隸太原唐邢今陽曲

東北八十故孟城劉子伐孟

定八續
志云國非衛東

孟也

定十四年
荀臘獻齊
者又袁四年
孟周地

若宋孟

僖二十一
公作霍般

作零一
作宇

駒

郤克采

邵名世
辨誤

與子錡皆謂駒伯

原

先穀封曰原穀後封彘

彘

霍

汝之梁縣西南七十霍陽山漢為霍陽縣有

霍故城一夕之期襲梁及霍在是

哀四
周地

箕

箕鄭采晉語鄭為箕大夫

藥

賓邑

靖侯孫

真定藥城漢為平棘開皇藥州

十

今趙之平棘西北十六有故樂城

近栢鄉鎮

及

國夏取樂遂南徙曰南樂漢南樂故城在鉅

鹿

邢州

屈

夷邑采麗姬曰蒲屈君之壇也今隰州有故

屈城南屈也翟章救鄭次南屈者

漢古文

北屈

見後

古國中

犨

臨汾有犨氏亭樂史云郤犨采非魯山之犨

楚有中犨昭元年犨乃南陽之犨本鄭地入
楚漢犨縣今汝之魯山南十九有古犨城

荀逝遨采本鄭地重耳軍盧柳濕次于郇者

晉語

狐偃盟于郇荀子云
鄭地非河東郇數里

銅鞮

羊舌邑漢縣今隸威勝

本屬路太平興國三置軍

有銅鞮

山銅鞮水南十五銅鞮故城宮址存焉

子產云銅

鞮之官南六十有銅鞮

伯華墓

揚干

戎氏唐叔後在狄者有大戎氏小戎氏

桓按桓叔封韓蓋初封桓竹紀年有桓侯非謚

也漢梁孝子明封桓邑侯是也

韓西 王肅云涿郡方城縣有韓城是

趙藺 漢西河屬縣

平 代之雁門故平縣東漢之平城紀在晉烈公

四年趙城平邑今魏之南樂縣圖云平邑在

縣城東界

右武穆之分

虞號焦滑霍揚韓魏姬姓也八國皆為晉

所滅昔者晉假道于虞以伐虎宮之竒曰
秦伯虞仲太王之昭也號仲號叔王季之
穆也為文王卿士勛在王室藏在盟府將
號是滅何愛于虞且虞能親于桓莊乎桓
莊之族何罪而且害之晉可謂不仁矣方
文公滅曹也以其地賜宋人文公有疾曹
伯之寺儒胥筮之史佚誨之以曹為解曰
昔齊桓公為會而封異姓今君為會而滅

同姓曹叔振鐸文之昭也先君唐叔武之
穆也而君滅之能無及此乎且合諸侯而
滅兄弟非禮也公悅復曹伯及霍之滅霍
公求奔於齊晉國大旱卜之霍泰山之為
也使趙夙召霍公而復之齊景公之伐宋
過泰山夢二丈夫怒甚羈晏子曰湯伊尹
也語其狀信公曰何如對曰夫湯太甲武
丁祖乙天下之盛君也不可以無後今惟

宋矣而君伐之請散師而平之公不從再
舍鼓毀將殪公辭乎晏子乃散師商頌曰
不僭不濫不敢怠皇命于下國封建厥福
此湯之所以獲天福也

襄二十六
聲子云

虞號之

滅惜乎無以三者之事沃晉侯者

晉滅魏
耿霍皆

不見經
當訂

凡

二

凡伯爵衛之共城西南二十二凡故城也

杜云

共縣東南有凡城袁山松云西南郡國志
共有汎亭詩凡伯國隱十年戎伐凡伯者

又

臨朐東陽城亦曰凡而益都有凡山

並隸青

蔣

初伯後侯班志云汝南期思里蔣鄉古蔣國

楚滅為期思今尉氏西五十故蔣城是

新鄭界杜

云在弋陽期思期思故城在固始西七十

邢

侯爵邢治龍岡城內西南隅小城也秦之信

都莽之襄國隨為州

漢項作為邢侯穆傳邢侯注廣平襄邑縣

應

形刑從井說文戶經切乃作邢故字書妄以

邢為井而邢邢為二

王篇邢輕干切韻邢在河內邢在鄭邢侯國

夷儀

范志東郡聊城有夷儀聚墳云夷儀城在襄

國西百劙云邢侯自襄國徙此曰邢丘

通典
龍岡

北百四十有夷儀城西五百十七有夷儀嶺元和志龍岡西四十有故城俗呼隨宜有邢

夫人冢在河之阜曰平阜有平阜城狄國邢丘

丘者紀年梁惠成三城邢

彪後志云縣有邢丘故邢國

周公子封非也平阜邢丘非始國也

祭

伯爵商代國後為周圻內

樵云在河南數傳云襄內諸侯穆

傳正公鄒父

說文鄒周公後

城在開封長垣今管城

東北十五有古祭城也

胙

今滑之胙城燕併之故曰南燕

後漢燕縣屬東郡本南燕

國有胙城古胙國杜云城在西南本屬酸東有胙亭然晉元東郡

武德胙州

年二

茅

襄二十六

殖綽伐茅氏也

襄二十六

戚之東鄙本衛邑茅盈

系云姬胄之分漢有東茅侯預云高平昌邑

西有茅鄉城今金鄉

西北四十二有昌邑故城

非修武之

茅

訾

有二西訾在離

詳見前

東訾在翠西有故城屬

周單子取之

昭二十三年取訾

姓苑云此本出祭氏

周

允

盟會圖云允國周公後所封疑即魯之謂

右周公之族本亦文之昭弟國多故別出

亦以別其祖禩之所自出云

伯邑考亡管叔誅周公為

禩也

惡戲人之可痛未有如族姓之不睦者也

雖有兄弟不如友生豈惟後世之愚然哉
晉文公之出亡也歷者七國齊桓女之楚
成享之宋襄公贈之馬而秦穆公來送之
卒以得國此四國者皆異姓也而能繼之
若此衛成公曹共公鄭文公皆同姓也而
皆不禮焉是所謂不如我同姓邪昔者晏
子患齊之公室卑子華子曰詩亦有云不
如我同姓何以是踽踽臨于人上將卑是

取何懼而不獲兄弟之不協焉能協諸侯

之不睦邢與衛同姓之國也狄伐邢

莊三十二

齊救之

閔元暨遷夷儀

乃從而為之城

並傳

元狄入衛

閔二

則為之城楚丘

僖二年正

二國者

俱齊侯所存之亡國其患難正相同也齊

桓卒

十七年

明年而宋衛遂伐齊狄救之故

邢與狄冬伐衛又明年衛伐邢二十有五

年遂滅邢一書狄救齊有以見諸侯之罪

再書狄伐衛于有以見救齊之美也方狄
人之迫黎侯黎侯寓衛衛不能脩其職及
戎之伐凡伯衛且不救致王臣之無援逮
為狄滅齊復為之城以居之衛人忘亡可
謂飲其德矣今也卒再朔則遽起而伐之
况王在難而乃稱兵滅人之國絕先祖之
支體無人類矣故聖人書曰衛侯燬滅邢
夫春秋國君未有生名之者今曰燬蓋甚

責其無人類也

禮云諸侯不生名失地名滅同姓名此以一節而測

經者其說未然

書稱呂伋君與詩言召虎

生名也

楚子滅蔡滅沈晉滅下陽虞虢

滅同姓也

衛侯奔楚鄭伯陳奔失地也而

皆不名采地之大夫附庸之君未爵命于

天子則不盈乎君道不盈乎君道而猶異

乎列臣故平居則字有所降則名諸侯之

大夫平居則族而名之有所降則舍族惟

天子尹宰與公之孤特貴故又以官加之

異列臣也姓有同異其所以滅之貪土地

利人民上絕王命下絕人紀其惡一也楚

子虔誘殺蔡侯豈同姓哉杜誣黎鯀更以

燬字為因下文燬卒而誤增之不知文宣

之前滅國皆人無稱爵者此將名之不可

曰衛人燬故特加爵正如楚子虔者豈二

爵亦誤耶胡以名為常不名為變陋矣

翟

侯爵成王次子云翟今洛陽城中太倉西南池也世紀景王葬翟泉在今東陽門內大街北太倉中北眺翟泉戴延之云太子宮東今無水

彤

伯爵成王子唐韻作彤云成支庶

單

成王子單子國單襄單伯子也今單之單父

非魯之單伯

鄭

伯爵厲王子初采咸林

載言作械林國語元和志通典寰宇記皆

作咸襄六年
縣道記云古城連接今州城天保中官路其

中東西連三小城宇文朝移于西南九里故

鄭城開皇三又移里
州北故鄭城屬京兆

蓋未為國

國語桓公采地咸林乃

初縣在鄭者

秦武公十一年班志宣王弟桓公封劭云母弟友所封子與平

王東遷更稱新鄭
贊云穆王以下都西鄭不得以封桓公公為周司徒王室將亂謀于史伯寄孥賄于號鄧間幽王敗一年滅鄧四年滅虢居于鄭父之丘是以為鄭桓公無封京兆之文師古亦非之蓋是采于彼今因其名以來此非至此始有鄭名京兆畿內自不妨

于王都晉鄭焉依謂武
公文侯爾固不為新鄭

新鄭

幽王敗武公徙河南併號鄭十邑居之曰新
鄭故莊公曰吾先君新邑於此若新豐者今
鄭之新鄭祝庸之虛

南鄭

今興元耆舊傳云桓公死於犬戎其民南奔

漢中為南鄭

櫟

鄭別都厲公居後屬楚王隱云翟也今許之

陽翟莊公城櫟寘子元

制

此制號東虢也本滎陽

隱元年

而北制虎牢乃

成臯

五
年今孟之汜水有制氏

成十六制田鄭地
陽制澤今

宛陵
東

共

共叔邑杜云汲縣非

京

太叔封所謂京索鄭詩叔出于京者今滎陽

東南二十有故京城故京漢後齊廢

成

楊

侯也宣王子幽王封之曰楊侯其地平陽楊

氏縣漢之河東楊縣也

陸

宣王支子陸氏譜云封陸鄉為陸侯

謝

宣王支子是為謝丘盟會圖云謝城充之龔

丘與姜任二謝異

縱

平王子精封英賢錄云因為精縱氏

梁

平王子唐封南梁也今汝治梁縣有梁山梁

故城在承休西南四十

哀四年梁云河南梁
縣縣道記云梁縣西

南十五古梁國城十
三州志云周南鄙邑國事云南梁楚襲之安

定梁氏出此

周

平王子秀封在汝川秦滅之為汝南郡光武

封姬常為周承休公居麻城今在汝之梁縣

甘

惠王子叔帶封即昭公生成公成公生簡公

及悼公過酈元云河南城西二十五有故甘城

俗曰鑒城在甘水東十里

洛陽南北對河南
故城佑云城在穎

上

之穎

陽樊

景王後河陽濟源東南三十八皮子城是

即皮

氏城水經渢逕
陽城即樊氏邑

無終

薊之玉田故無終縣陽氏譜云春秋之末爰

宅無終

仙傳拾遺陽翁伯適北燕葬父母無終山有天祚玉田事亦見于寶記范

通燕書云後有雖子無終山獲玉是也

鄆

敬王子或作甄非劉子盟處周地與元和志

云漢州理故鄆城中栢所封曹植為鄆侯者

汜

襄王居鄭邑拾地象云汜城在許之襄城南

韻云國云言凡有汜水在濟陰

皇 王猛居鄆也今葬西南有皇亭

記多作黃非
京相云皆城

北三里有黃亭黃陌
黃水營城今隸翠

陽人

中山

東周分釋地云鮮虞地中山國治盧奴佑云

常山靈壽中山國有故城在西北

靈壽今張
隸真定

曜中山記云郡謂中人城城中有山故號中

山其山仄而欹上若委粟漢中山靖始移郡

出山居盧奴隋經云中山城在今唐昌東北

三十中山故城是中山故宮在安喜釣臺戲

馬

膚施

今隸延安即漢之靈壽

世本中山武公居顧桓公徙靈壽

右周氏世封可見者

公侯百里伯七十里子男五十里百里大國七十里次國五十里小國此三土也唐虞三代以莫不然周官武成王制之言成王周公經世之制率此不越然在行人司

儀賓禮皆以公為一等侯伯一等子男一等故世遂以公為上國侯伯中國子男為小典命注夏官序更以公侯伯為一子男為一則侯伯俱為大國子男小國徒二等矣公羊說者復以伯子男同稱子謂春秋書變周從商制皆從子此特國語師旅之說蓋因子產一時自解之言尤無足據子產當時特以鄭伯班次許男有所不平而

為之語故曰鄭伯男也而共公侯之貢正亦以是為辭且欲下其貢于諸男而已豈得視為品之成邪乃若白虎通義禮記外傳謂商爵三等而無子男武王增之始為五等董繁露言周爵五等土三品春秋三等合伯子男為一爵土二品康成定謂箕子微子為是畿內因乎夏制且謂質家爵用三等文家乃用五等微所取

南宮 武王時有南宮仲

見宣和博古圖

春秋時周大夫南

宮極其裔也即冀之南宮縣

盟會圖

呂后封張

偃為侯國

密

盟會圖云周圻內國宣王滅之此河南密

桓齊

公密妃國然密康公墓在靈臺故說者以為涇近

也

榮

榮伯采

榮叔也

說為榮鐸今河南鞏西之榮鐸

子朝之亂景王崩于榮
鍚氏大夫食其地者

然榮城伯駕鷙魯

出聲伯躬之后也

襄

瑕 周之支酈氏云山桑縣有瑕城晉使詹瑕處
瑕燭之武所言焦瑕即唐改蒙城今隸亳晉
惠臣賂秦者各一國

桃 僖二十四年桃叔采

尹

子朝入尹周地昭二十三尹氏采杜謂萃西南偃
師今汾州有吉甫墓記即其邑

翬

翬伯國

晉
翬朔亦曰
翬伯

今河縣翬縣西周故居酈

氏云有翬故城洛地圖云在洛之間四面山
翬固也

康

見前

仍

仍叔采

暴

暴新公采鄭邑也一曰隧世本云周圻內國

文公八年會雒戎盟于暴鄭詩謂周圻內無

暴邑失之

箋云為卿士者皆食圻內故有周
名毛原莊祭尹樊鄆成單甘劉南

宮而

無暴

單

卷伯采姓纂云卷伯後氏

頽

頽叔采為頽氏

邵云姓解
云頽人姓

方

方叔采許說文云邠廣漢縣乃什邠非此周書武王命伐方乃商圻內

卽

卽叔采山陽卽成縣

富

大夫富辰采

鄂

子朝之亂郊郢皆為之邑故有上郢下郢北

郢南郢之名今郢西南有地名郢中有郢谷

水故郢城即大夫郢蒼采

詹

詹桓伯采

昭九年

大夫詹父後

詹嘉為晉瑕

大夫非楚詹尹

家

家伯采後有大夫家父

幽王太宰

右周氏族卿之采

日為君月星為臣是故月近日則虧遠日而盈星近日則伏遠日而疾臣之于君則

近厭而遠申是故外以邦國內以都鄙外

侯射三內侯射二

司裘

外守節以玉內以角

掌節外達節以金內以管人小行外之城制以

隅內以門阿外經途以環法內以野法人匠

天之道也車政之諸侯會王則赤芾而不

以綵觀禮之侯氏朝王則墨車而不以輶

會王畋獵則王者不合圍諸侯不掩羣在

國畋獵則國君不合圍大夫不掩羣王賓

射則公執璧卿執羔諸侯賓射則卿執羔大夫執鴈王視朝公卿特揖大夫旅揖諸侯視朝則大夫特士旅之蓋諸侯之在國則南面制節以存君道而有以與王同徧朝則北面謹度以全臣道而必以與王異此禮之大辨也雖然公侯伯子男命數七九而公卿大夫命數八六四或奇或偶說者以為在國陽爵居日下者陰爵則有

不然五等之命非無六八公卿大夫非無五七九也特五等以尊言而公卿大夫以卑言尊言奇卑言偶從其辨順也三禮義宗雖云公卿大夫以四六八然亦有七命卿若五命之大夫如公作伯則亦九命故云元士三命則陰爵非特偶也四六八此而上爾公侯伯子男五等正矣故以附庸四命則陽爵非特奇也九七五此而下爾

云公八命卿六命大夫四命此與內夫人
嬪世婦相應言公侯伯子男五等而妻皆
曰夫人則其命為可下上大夫卿中下大
夫四等而妻皆曰世婦則其命為可上矣
以四命大夫視伯六命之卿視侯則知侯
八命矣周之諸侯實惟八命非王後不為
公避九命也因之九二紓紱方來利用享
祀九五赤紱利用祭祀赤紱為君紓紱為

臣祭祀祭帝而享祀則人鬼矣是故綵紱

為降漢代丞相東西曹掾比四百石餘掾

比三百石屬比二百石故曰公府掾比古

元士三命者其儀為可知矣

正曰 操副曰
屬漢舊儀注

召

邵也預云扶風雖東南有召亭雖今鳳翔天

興東遷後采於垣則今縣東北六十召原也

有康公廟

廟在王屋西三十五原在縣西四十
丈宇實為廟又記垣之古棠為

公分陝之地非也說文邵晉邑謂郡邵齊師所成皇興元置邵郡大統為邵州義寧元為

邵陽
郡

然易縣故涑水縣城在州北四十二亦

曰邵云周封邵公于此蓋歸老之地

興國六年併入

易

燕

召公初封春秋之燕毫以其僻遠有寢丘留侯之意地逼山戎六國時寢大置漁陽上谷右北平遼東西郡地秦滅之為上谷郡漢立燕國昭帝為廣陽國廣陽郡武德元年為燕

州今幽治薊

國史云今
范陽縣

北燕

燕之分燕地廣矣

北燕伯云亦姞姓者

以燕而名予初謂爾

按張采使遼錄云北中京牛山館北去羣燕飛翔大如鳩鴟

其燕州乃隋

遼西郡以處諸部內附事詳隋北蕃風俗記
燕之分本曰唐併之大谷漢之陽邑今定之
陽

唐縣班志云燕之別邑

昭十二高祖納北燕伯

齊人遷

之

閏二年

盛

盛伯國亦曰成續志云濟北成本國預謂東

平剛父西南有盛鄉竇莘云鄉今在鄆即晉

之剛父

公羊云成者何盛也盛降于齊諱其滅同姓書曰成

右燕召之屬

治國之道牧民而已牧民猶牧馬必人安其馬馬習其人胡為而數易之嘗試語來建康一會府爾而史氏之所志自開寶八年盡乾道之三二百載中牧民之使已百二十有五易其罷去若祠去與夫致仕而去者咸六不祿若憂去者五不見其去之

期者二十一召去者十有五而即除者五十有六其得滿而替者二十有一而已或一年或半年或一月或二三月若王益卒之至俯六日而追追應天府矣再任俯七而馬亮乃四受部然亦未嘗一因任者區區徠往俗安得不啞窳民安得不罷敝哉府之邑屬正可知矣府與邑屬宰牧若此天下又可知矣

史正志書

方太平興國之八年

日本僧僧行朝歛其國主相襲者六十有
四世矣文武僚吏悉以世官上顧鼎臣喟
然嘆曰是夷虜者而世嗣乃如此臣下世
爵能有古道中國即自唐季海內分裂五
代世數尤以淺促而大臣子孫亦鮮克繼
父祖基業朕雖不逮往聖然孳孳願治未
嘗自佚所冀運祚隆永諸臣世襲祿位固
俾遠夷擅享斯美由此語之持久不動之

為美可知矣

句麗國主高姓故漢書國志皆曰高句麗隨始去句字然五代史同光元年韓申來其王尚姓高則秦漢至是亦止傳一姓也

孟軻曰

所謂故國者有世臣之謂也武有天下卜

年七百而魯衛燕宋皆垂千祀周召毛原

尹劉榮單布滿朝著悉世其祿與周匹休

有天下者固將君臣相與守其家法以保

其祿于無窮焉而已矣海邦干數羈縻八

百莫非世襲不可得易此有天地生民以

來自然之道也何至朝徇莫縱一龔十甯
為黜首尤哉嗟乎天語重開可謂百世幸
矣而當時在廷莫有成其美者豈識學之

未詣哉天時之未厭哉

王嘉曰孝文帝時居官者長子孫以

官為氏其二千石長吏亦皆安官樂職然後上下相望莫有苟且之意及孝宣親政以為太守吏民之本數變易則下不安民知其將久不可欺因乃服從其教化故侍中尚書功勞當遷及有異善至于子孫終不改易黃霸亦云數易長吏送故迎新之費及姦吏緣絕簿書盜財物公私耗費甚多皆常出于民至和三年諫官范鎮言恩

州自皇祐五年秋至去年冬知州事凡七
換河北諸州類如此欲望兵馬練習固不
可得伏見雄州馬懷德恩州劉渙冀州王
德恭材勇智慮可責之以辦治乞令久任
任之不久而欲其成事不可得也李牧為
趙將功以久而成李勣守并州威以久而
伸而晉人陰計中吳則使其將帥屢易議
故渾澑得以收功蓋責任之不久則不足
以有為而
卒功業也

穀

伯爵預在筑陽今襄陽穀城西北五里有故

穀城有穀伯廟

小穀

齊魯城小穀以為管仲私邑

莊三十二

城中有夷

吾井即管仲井

本曰穀景公曰桓公以仲為有力

邑狐與穀者乃姜會齊侯處後漢置穀城縣屬東郡晉廢入東阿故城在縣東

小穀魯邑孫明復云

曲阜西北有小穀城

有穀城山張良得黄石處或曰陽穀售三東

阿南東四十二有陽穀亭

息

侯爵楚文滅之莊十四釐王一年今蔡之新息北三

十有古息城

孟康云後東徙加新字

四十有息侯廟周

息州也

說文新鄭鄭姬姓春秋別有鄭齊南鄙按

滑

伯爵鄭入而秦滅之

襄三十二年鄭入滑十三年伐之二十五滅于

秦後晉
取之

今拱之襄邑西北有滑亭

鄭地為周秦

晉鄭更邑本水名

宣八楚子及滑汭

後遷于費曰費

滑今偃師緜氏鎮有古滑城滑臺滑伯廟

九域

志在滑
之白
非滑州去州四百里

養

繇基先邑今汝之郊城有養水楚子逆吳公

使居養在此

極

魯附庸無駁入之

隱二年

穀梁子云滅同姓也

隨

世本云姬姓楚滅之

桓六年楚侵隨八年伐之

僖二十年以漢東諸侯叛

今隨之隨縣晉之隨郡有地中

隨侯臺墓

丹

蓬

楚屬春秋時有逢伯或作逢誤

鮒

涇之鷁鮒

鱗

見潛夫論春秋時有鱗朱

主

頓

子爵

昭四

楚滅之

定十

今陳之南頓故頓縣有

故頓城

十三州志云南頓西三十故頓子城在穎水之南故號穎陰城劭云

迫于陳後南徙曰南頓

後魏為南頓郡

鼓

子爵白翟別鳶鞮國中行穆伯攻之經年不

能下荀吳滅之

傳昭十五圖鼓二十二滅之

今祈之鼓城

唐屬定有鼓聚在定之橐城

漢下曲陽

肥

子爵本白翟地晉滅之

傳昭十二八月以肥子縣臯歸

真定

之肥橐城也在橐城西南七里

漢下曲陽後齊廢入橐城

今屬肥子後歸燕封之肥如如歸也真定

盧龍或作邯鄲有故肥鄉縣城紀年梁惠王八年伐邯鄲取肥地道東太

康八年立

隸廣平

宮之奇之先國玉篇鄗國為徒冬切非

冥

鄭也冀為不道伐鄭三門乃虞地僖二杜闕今陝

之平陸東北二十有鄭城周四里又有上鄭

成二年會晉師

處說文晉邑

麗

麗姬家商時國

盟會圖

元和志

一作驪男國也集韻作嬪

非秦曰驪邑今臨潼東二十四有故驪城道里

記云高一大五尺盟會圖在離之新豐漢之新豐唐之昭應祥符改曰臨潼元和志作驪

戎故城在昭應東二十四里

非驪戎之國

載

左傳有載國風俗通云姬姓後陳留外黃是

韻作戲云古國

紀

今緝氏故紀縣

胡

子爵楚滅之

昭二十三吳敗胡師胡子髡滅定十五楚方滅胡以胡子豹歸

相去二十五年

姬國也

哀六年平王二十六年鄭伐胡武公曰胡兄蓋楚之所立

弟之國也。越世家云：析酈宗胡索隱云：宗胡邑為胡姓宗非乃宗姓胡爾。

今穎治

汝陰西二里有胡故城

范史云：汝陰本胡國杜在汝陰西北盟會

圖在豫州酈城

故有胡陰胡陽

胡陰本山陽胡陵章帝改之胡陽縣隸南

陽與胡公之國異

隗

運

冀

冀子冀戎國今秦之清水故伏羲城秦漢之

冀縣也

秦武公十年伐冀戎為縣

隗囂據此稱西伯

賈

伯爵華之蒲城西南十八有故城賈大夫冢

非賈

伯伐曲沃者

左傳 賈伯梁伯
賈伯伐曲沃

又臨汾有賈

鄉

芮

伯爵今陝之芮城百二十有芮故城

水經河水自

北城南東
遷芮城

芮君祠

九域志

商代國西伯初虞芮

訟今平陸西六十間原者所爭田也

東西七里南北

二周為司徒

書注周同姓圻內國為大夫寰宇記周司徒封芮為附庸非杜

云馮翊臨晉芮鄉臨晉
城在朝邑西南二里

秦滅梁芮

繆公二年唐為

芮州

武德二年

集韻儒劣切非

魏

今陝治平陸有古魏城在河伯縣在河之東

北南西去河各二十餘里北拒首山十里所

故魏風著十畝之詩

詩叙言魏君儉嗇褊急近秦晉日見侵削平桓

之世變風始作事無所見此依詩以意為之言爾

晉獻滅之以賜畢

萬

閭

芮萬奔魏故或以魏為萬邑

紀年晉武公七年芮

伯萬之母芮姜逐萬萬奔魏八年周師虢師閩魏取芮伯而東之九年戎人逆之鄭又云

桓王十二年秋秦侵芮冬王師秦師圍魏取芮伯而東之萬見左氏桓三年

同姓

焦

也

傳魏姬姓國郡國志陝州魏城昔芮伯萬母惡子逐之于魏處非其國

弘農陝是本北號之上陽晉滅之

惠公以賂
秦紀年魏

襄王六年其大城中小城故焦也

云名公子
焦侯之舊

國焦云焦故城在陝州東北百步

梁載言云姬姓與毫之姜姓焦

別鄺元以為神農之後歐志亦謂武封炎後在此非也按傳虞號焦滑皆姬姓也晉是以大後十五年燭之

武說秦亦以焦取

巴

巴姬之國

楚靈妃

晉文公西伐巴蜀此也

呂氏春秋

今果之南充預云巴之江州縣江州今恭之

巴縣

紀年桓王十七年楚及巴伐鄧

項

子爵齊滅之

僖十七年左云魯滅之非也公穀以為齊得之此蒙上伐英氏

文內不言滅

漢之西華後曰項城今縣隸陳東北

一里有故項城

楚襄徙陳以項為別都楚考烈滅魯封其將于項為項氏

晉誘堅不過項者史項梁

父項燕世楚將封于項

徐

徐姬國

齊桓

穆王時滅偃以封姬姓

鮮虞

本子姓國

詳見商後

以處姬姓子爵翟也種地最

廣

白狄也

晉語有蒲人翟人中行穆子伐翟乃鮮虞也春秋昭十二年晉伐鮮虞十五

年荀吳又伐定四年士鞅哀九年趙鞅又伐之列子襄子攻翟取左人中人未嘗滅也應劭地理記中人城西北四十有左人城左人之故邑左人即今定之唐縣

昔陽

子爵本肥馬

肥子後遷昔陽

今平定之樂平東五十

有昔陽故城

杜云樂平治縣東有昔陽城是晉滅之

昭十二年九域志趙鞅晉陽寰宇記荀吳假道于虞遂入昔陽鮮虞在北昔陽在南晉恐肥為備故徙北

偽東南行往會齊師乃先還假道鮮虞遂入昔陽也故鉅鹿境一曰夕

陽開皇置昔陽

于下曲陽置

今祈之鼓城

夏陽

下陽也僖公二年虞師晉師滅下陽書滅國

矣或曰虢邑非也

滅國曰滅君死其位曰滅

虞號之亡不

書

五

而書下陽之滅于此罪虞也

下陽虞號之所恃下

陽滅而虢去虢去而虞舉矣滅下陽者晉而以虞首兵賄也虞之賄孟子三傳詳矣

右周之餘族可見者

烏乎姬周之國林矣方其最時述職朝覲會于明堂日省月攷時享歲貢來有湛露之燕去有彤弓之送怡怡偲偲以藩屏周及其衰也名穆公思周德之不類故糾合


宗族于成周而作文王之詩曰棠棣之華
萼不煥煥凡今之人莫如兄弟周之有懿
德也猶曰莫如兄弟故封建之其懷柔天
下也猶懼有外侮故以親屏周是以楚子
彊梁心張問鼎工猶畏迫宗周不敢竊發
不幸後世上失其道宗國恣橫諸侯相併
王官不討陵夷至于三四然後枝葉相扶
叔降為庶尚四十年而後秦得而掘之宣

王以降世乏今王然如齊晉勤王世有能者故猶五百厯年數極德盡而後位去則磐石之宗可賴也一自東遷宗國恣橫謾相侵伐以至于滅禽父一國當春秋伐侵國者十入國者六圍者十三取者十四而伐人之國者四十九會伐十九及伐者三而公之伐者又十伐若以其師伐者咸一大夫伐九而會伐者又六公之伐十而邾

居其六大夫伐九而邾居其七公會伐十
有五而鄭居十二人之侵我五伐我者二
十一而齊居十五追戰敗滅不與存焉其
諸為可知矣鄉使宗國循良不羈外姓以
穆諸姬則周室至今存可也詩云醉醉角
弓扁其反矣兄弟婚姻無胥遠矣爾之遠
矣民胥然矣魯棄同姓從而伐之其為反
也不已甚乎齊之見伐其為然也不已洵

乎或曰諸侯之吞威勢之必至楚莊滅陳而以為縣樂毅下城七十皆郡縣之是破滅諸侯不可復封建矣曰不然楚之不縣陳當時之論亦已明矣而燕之郡齊城亦孰見其安且利哉伊昔先王所以立之九伐之法者凡以禁其相吞景風至而利建建德策効存亡繼絕者所以為不滅之道而今諸姬恃親強恣陵蔑外姓循至尋釁

此秦楚所以自為計不然則亦俱杞宋而
弊矣嗟乎王法不行使秦得志盡絕先王
之世豈惟秦之罪哉蓋由諸姬自賊之所
致也



路史卷二十八

欽定四庫全書

史部

路史卷二十九

詳校官庶吉士臣張溥

編修臣裴謙覆勘

總校官庶吉士臣何思鈞

校對官中書臣李荃

謄錄舉人臣唐燦

欽定四庫全書

路史卷二十九

宋 羅泌 撰

國名紀六

古國

饒
嵬姓今深州有饒河齊大夫采邑

趙孝城拔之以封弟

長安君

攘
嵬姓宜即穰穰侯國

秦封魏冉令鄧之穰縣

利
嵬姓潛夫云嵬姓饒利一作利

雲陽

今茶陵西南十里有雲陽山少昊亦居之又在甘泉亦曰雲陽山在馮翊雲陽縣今隸耀

非丹徒

蜀

今成都見楊子雲蜀紀等然蜀山氏女乃在茂詳後妃后國

蠶

蠶叢氏國今彭之導江有蠶厓而漢之蠶陵縣在翼之翼水縣西有蠶陵山

瞿

今雙流縣南十八里有瞿上城益之西南二

十縣北有瞿上鄉

遼江

魚鳧治今眉之彭山縣北東二里有魚鳧津南北八郡志云犍為有魚鳧津廣數百步

鄆

杜宇治

韓韋

婁

石樓也開山圖云石樓山在琅邪昔有巢氏治此在城陽縣東北有婁鄉是然去琅邪遠矣今隰有隨石樓縣隨本曰土京東南六十

有石樓山水經注蒲水出石樓下是也

庸城

許所遷定四年楚城今岳之華容

垂拱二以武氏許與

雄之容成皆改增土天寶復舊

陽武

柏

柏皇後黃帝臣柏高春秋之柏子國楚滅之

今蔡之西平有柏亭

寰宇九域云古柏國

大庭

魯地昭五年傳有大庭氏之庫輿地廣記云

在仙源今隸兗

東里

東里子諸侯也

栗陸臣

夏后臣有東里槐

祝宗

祝融氏後

祝丘

祝融氏後祝丘氏今沂之臨沂東南五十有

即丘城春秋之祝丘也

桓五年城祝丘鄭樵云漢即丘縣

彌

在益部詳紀中

朱襄

九域志云南京柘城古朱襄氏之邑

右上古帝王之世

子曰道千乘之國敬事而信節用而愛人

使民以時學之為王者事其此已矣千乘
諸侯之謂也而其所謂道道此而已敬者
所以重事也信者所以立政也節用所以
富國愛人所以固本而使民以時者所以
興財也五者治天下之常經而聖人之所
以道有國者唯有國者從而道之則君安
而國家可保矣是故道之以敬而民莫不
承聽道之以信而民莫不承任道之以節

用而財不匱道之以愛人而民不失於生
使之以時則穀不可勝食財不可勝用而
道之之道畢矣經曰在上不驕高而不危
制節謹度滿而不溢高而不危所以長守
貴也滿而不溢所以長守富也富貴不離
其身然後能保其社稷而和其民人蓋諸
侯之孝也夫不驕則敬事矣謹度則信行
矣制節則謹用而不溢則愛民矣和其民

人則又時使之矣固諸侯之事也故曰古之亡國皆以無道記曰國家未道此揮人所以道國之政事者也上失其道則其散亦久矣而顧可國乎詩云迨天之未陰雨徹彼桑土綢繆牖戶今此下民或敢侮予孔子曰為此詩者其知道乎能治其國家誰敢侮之乃若夫子之得邦家所謂立之斯立道之斯行固不外乎此也夫夫子顧

未始得邦家也而曰得邦家者上之所以
道其君而下之所以道其民者固所以行
之天下而得邦家也湯於毫文王之于岐
因此道爾故以毫之政道之天下則商之
王矣以岐之政道之天下則周之王矣夫
子之得邦家特亦不過推中都之政道之
天下而已矣吾固曰敬事而信節用而愛
人使民以時此治天下之常經而聖人所

以道有國者也故曰泉有源治有本道者
審本而已齊一變至於魯魯一變至於道
豈惟千乘之國哉

三皇之世

苑

即鬱鬱華國

金

金提國帝堯時有金道華種蘭唐韻云周附

庸金州也金氏出此

唐新羅金姓漢金日磾因祠金人為姓非也

紀

紀侗國後有紀后為虞帝師

陽

陽侯伏羲臣許慎云陵陽國侯也國近江今

宣之涇縣有陵陽山

蹇

蹇脩國後有蹇氏

秦有蹇叔姓書云邑又有蹇氏姓解音

愆四者太昊臣

共工

地在弘農虞帝時共工或云居此

赤

赤奮赤松炎帝諸侯後有赤氏赤民高陽師

邢

邢天國邢州鉅鹿郡

巫

巫咸國故巫縣令夔之巫山

漢巫咸隋曰巫山

淮南

子云巫咸在軒丘北經在女五北今巫咸山
在陝之夏縣

屏

屏封屏翳國

白

白阜國六者炎帝臣

胡

炎陵廟胡真官者同遷侍臣也按媯歸後皆

有胡然按世本胡曹作衣當不在五帝後攷

王紛胡之筭云胡子國在楚

補

炎帝伐補遂史伯云鄖蔽丹是也姓苑有補

氏通典作輔遂非

遂

炎帝伐之

呂春秋

易之遂城古遂武也媯姬皆

有遂

質沙

帝魁所伐世本之夙沙也後有夙氏夙沙氏

宿沙氏

齊風沙衛鼓子相風沙釐

吳

炎臣吳權黃帝母吳樞國紂時亦有吳伯今

陝之平陸有吳山

廣壽

廣成 仙傳云廣成居空同今汝之梁縣西南四十

有空同山廣成城廣成澤廣成子廟宣和中

守林時奏其事立觀其澤漢安以賜貧民有

廣氏

風俗通

刁

音彫道書多作刁仁廟編陰陽書猶有刁牧
地戶閭歷世盡作力白虎通云黃帝師力牧
晁錯云帝得力牧而為五帝先姓書後有力

氏未究

伍

仟也伍胥黃帝臣

見玄女兵法

今慈之仟城

鄧

黃臣鄧伯溫魯地隱十年齊魯盟處與南陽

子姓鄧二

寧

杜云汲郡脩武今衛之獲嘉有寧城故脩武

也

詩外傳武王伐紂勒兵於寧改曰脩武

魏土地記大寧城西

二十里有小寧城今在懷戎

容成

侯國漢縣隸涿本蜀易今隸雄州燕之西境

徐盧國也

漢匈奴降王封

有容氏姓纂容成氏

仙傳容成

公

恒

恒先國常也

一作常先

衛康叔孫封之世本云後

有常氏恒氏老師常從楚有恒思公宜為恒

山

亦作常

鵠

鵠治黃帝臣乃俠也漢俠侯國有俠氏

闕

闕紀黃帝臣

方

方回國帝堯時有方明

習

風俗通云習國名傳有少習

衰四年

預云商洛

武關按此晉禦楚之塞在商洛東南九十里

永興軍漢有習響陳相

離

涓

涓子黃帝師臣

岐

即岐豐至商文王為岐侯

詳高辛後國

鬻

鬻伯國漢有鬻侯屬東海

鬼

容區國商有鬼侯即九侯今漳浦有鬼侯山

亦曰九侯山

俗云山魈之居圖經容區謂少康九子之居皆妄

霍山 後漢朱彊九江壽春記金明城西南百二十

有黃帝時霍丘城楚莊廢為戍

寨宇記廢霍丘在霍山

庸光侯國詳商世侯國

奢 奢比國

車 車區國

冷 冷倫國衛之冷邑近魯作冷非

冕 宛也宛侯即冕侯寃朐是今曹之宛句

云古寃濮

湏句
之間

俞

鄃也俞跗國今大名夏津西南五十有鄃故

城後魏漢清河之鄃縣

田蛤邑音輸德州平原西南

呂佗

為俞侯國有俞氏喻氏

漢有俞達勅救切

盧

俞跗或作盧跗今鄆之陽穀有故盧城齊地

久廢後扁鵲居之

桐

仙傳桐君世族譜云楚東小國

文二年桐叛楚地名九域

志云小國楚附庸定二年楚滅之

令舒之桐城

圖經云春秋時桐國蓋桐

邑也漢之樅陽昭五年吳敗楚離岸注桐國離尾渚

西南有桐亭

廬州舒城

西有漢桐鄉朱邑所葬

榮援國周之采地或云榮鄭地

宣十二乃榮陽榮澤然閔

二年戰榮澤衛地也

橋姓辨書云黃帝子孫守橋山者或云喬非

沮誦音菹黃帝史後有沮氏

共

茄黃帝荆茄豐

玄中記

楚地昔楚城州屈以復茄

人城丘皇以遷訾者

使熊相謀郭巢李然郭子太叔聞之曰楚王

將死矣使民不安其記音加張揖以為荷
上云云昭二十五

鄧

郡國志許州鄧城黃帝鄧又為杵臼處或作

羅非

於

於則作履者今鄧之內鄉東七里有於村刑州

副圖與商近所謂商於說者以商於為一國失

之裴云商於在順陽南鄉丹水二縣有商城
在於中所謂商於劉氏云商於二國相去

二千里傳言商於
析鄺四邑近南陽

有於氏袁紹傳
有於授

左

左徹後有左氏今聞喜漢之左邑

有北 帝戮蚩尤遷其民善者于鄒屠惡者于有北
詩云投畀有北惡可知矣

右三皇時侯伯之國

萬盈數也易之比曰先王以建萬國堯協
萬邦以其號數之多也而塗山之會贊玉
帛且萬數則古嘗萬國矣粵自黃帝畫柱
分壇方割萬里得百里之國萬區而劉恕
遽摘其非謂百里者萬非方十萬里有不

能容是殆尺分之也

尺以一直為十寸

國界之分

直依枰罿枰罿之勢百里者萬特方一萬

里爾是故方十里者為方一里者百方百里者為方十里者百方千里者為方百里

者百方萬里者為方千里者百方百里者

萬矣

枰一十九路方為三百六十一路

雖然虞夏之前四

正疆理東止郎邪之海西積石之河五千而縮南至衡山北洎單于府五千而羸使

皆封建百里之國惟堪二千五百縱並遼
東渤海長城外盡契丹高句驪積石塞黑
水靺鞨流沙之地亦不能五千國况古百
里當今百二十一里六十步烏得所謂萬
區百里國哉蓋古嘗有萬國之制而非皆
百里也故呂覽言神農封建彌近彌大彌
遠彌小海上乃有十里之邦以大運小要
如臂使指者而孔子亦曰安見方六七十

如五六十而非邦者是衰周時列國雖足
强大猶有不五十者然則古之萬國從可
知矣執玉者不皆百里則執帛者安能皆
五十哉伯七十里則百里可二子男五十
則百里可四矣孟子曰海內之地方千里
者九古之天下方三千里止矣五千里者
古今盛衰山川革蕪之通數也周世九服
號七千里而職方藩畿為方萬里斯亦末

記之敝王畿所止亦曷嘗千里哉宗周八百成周六百此以百同度計言之故子思曰天子封畿千里公侯百里伯七十里子男五十里虞夏商周之常制也畿門域也非所謂王圻者也周官班固蓋因玄鳥之詩而失之不知玄鳥所云正以謂門畿內而其所謂千里者特徑度三十一里半而强耳公侯之畿徑度十里伯畿八里半而

弱子男七里而强大奚以宗周八八成周六六而合於百里者百哉

九州之分如此

古者

九州特亦以槩率者王制之言四海之内
斷長補短方三千里此槩率約也五服之

制王城之外甸侯綏服面千五百已盡九

州三千里地要荒二服綴九州外其數然
也而况九州面距不齊自恒山距南河東
河抵西河為各千里此則圻内甸服所建

然自東河至東海西河至流沙南河至江亦各千里南西二方侯綏所建外為要荒可矣而東距海要荒已無容繫北距恒山已接邊陲雖侯綏有不得而立惟南自江至於衡山更越千里則要荒二服亦並在九州內而自衡山南盡揚域且復千里未汔南海悉為荒外南為太羸北為太朐則知先王之制必有圓法豈至說者之拘哉

九州之界濟河淮岱相去不能千里荆河
千里而羸海岱千里而縮荆山衡陽二千
而遙東海西河二千而近而壽春之淮朝
陽之海相去五六千里龍門之河屯煌之
黑相距且四千里華陽黑水窮數千里猶
未知其所終荆河淮濟之間斷長補短不
能淮海一州之半則知所制各有當矣周之
西都今之關中

而東都則洛陽也二都地踞南山之陰北
山之陽東西長南北短短長相補猶不能
以千里今古不變而禮王畿四方相距為
方千里遠郊近郊甸地稍地小都大都率

相距為百里豈千里之方所能容哉固知
畿服諸說有匪圓通上世必有除補相乘
之道為疆理之定制者方隨盛時東南並
海西且未北五原東西九千三百南北萬
四千八百一十五唐文皇時東極洋海而
抵焉者九千五百一十南盡林州北延陀
萬六千九百一十八茲亦人迹逐曲所計
而步畿之法取之虛空烏道揆以日景而

參之乎圭表其於人跡迂直大約三而去
三萬五千之折正亦五千而已王制之言
惟其大約也

五帝之世

玄都

少昊時諸侯外傳云玄都氏黎國或謂重黎
非也周書云昔玄都氏謀臣不用龜策是從
忠臣無祿神巫用國而亡

洪芻志都夫人按
風俗通古元都

玄都氏避聖祖
諱為元氏都氏

彔

高陽師彔國或作彔圖今湘東澧陵有彔水
或作灑非

鱣

鱣先國宜為澧古之得姓俱自其封國而命
其呂字者蓋少皞脩鵠治之類亦必其封國
也

爽鳩

齊地昭十
二

今之青州季前繼之

晏子
之說

杜云虞

夏諸侯有爽氏

姓

爽鳩氏

姓

纂

且鳩

後有且氏

祝融 儻是今鄭州有祝融冢與祝融氏異

咸 高辛臣咸黑宜是咸陽有咸水

柞 柞卜邑

展 展上公帝嚳時得道者

陰 唐虞時國商世陰君長生之祖故長生詩云

惟予之先佐命唐虞周有陰忌今濠之定遠

有陰陵城項羽失道處管叔後采于陰則今

襄之穀城東北有陰城是

故鄆地師古云古陰國

又有

下陰在陰城之西陰後遷此左白今化光乾德

漢陰縣隨陰城

春秋時道柏巢呂中息房應胡陰桐與楚比者

務一作督帝堯時務成商有務光諸侯也後有

務氏一作牟或云即牟

見後

庚

帝堯時侯國春秋時有庚子皮皮子過邑於

維氏為庚氏

庚公差姓書以為帝堯時掌庚大夫之後

爻

爻戰國齊地一曰冒澤即朱故亦作朱戰有

爻氏

朱 朱虎國號之朱陽

嚴 許繇之友嚴愒按樗里子傳嚴君之封在嚴

道

樊 帝堯時有樊仲文今武昌有樊山

放 放齊後有放氏

被 薦缺師被衣被陽也今淄之高苑西南八十步有漢被陽侯國故城音皮

齧 春秋時有齧桑衛地

狐 狐攻定六年狐人周地

僖十六有狐厨今晉治臨汾西北有狐谷

亭

繇余

鴻蒙

育唐

帝堯夏桀皆嘗伐之南陽章陵之上唐鄉也

班固云古國括地象唐鄉故地在隨州

西夏

今鄂故大夏有夏水漢水也

漢水之曲為夏口今屬漢陽江

夏記沈尹射奔命于夏納者

周書云西夏仁而去兵城郭

不脩武士無位堯伐亡之

叢

帝堯欲伐叢枝胥敖四國也或云兩國

枝

春秋傳戎伐楚侵訾枝訾枝楚地

胥

胥臣胥氏之先一作湏舊春秋圖有滑與檜

接在虢密之間

敖

榮澤西有敖山有敖倉城

在榮澤西十五
秦置在敖山下
舜

曰夫三子者是宗膾為三胥敖為一也

宗

帝堯欲伐宗膾者按漢一曰宗昔文十二年

子孔執宗子遂圍巢則在廬江預云宗巢二

國羣舒之屬

膾當即會會人鄧也在河南密縣

微

道

齊桓之伯江黃道柏附之四國皆弦姻邵云

安陽縣道國也

杜云汝南安
陽西有道亭

楚靈遷之今蔡

之確山西南有道故城後有道氏

楚有道翔

三國皆帝堯時

闕

婁

九江壽春記金明城西南百二十有雩婁城

堯之婁子城也寰宇記雩婁城在霍丘

臨

帝堯時有臨侯望博見春秋
連斗樞注臨侯國氏今

趙之臨城漢故縣

雄

雄陶或為熊夏有熊髡

東

東不訛國或作陳非南南郡

夏禹西省南

西西縣

和仲
宅西北有北東固為東國也

秦

秦不宇魯地臺於秦者在濮之苑北莊三十一年杜

云東平范縣東有秦亭
九域志云西北今隸鄆

紀虞帝師紀后一作冀后

蒲長垣東北十里有蒲城詳有虞後國春秋有蒲侯

氏莒地襄三十

單善帝舜師單卷今鄆城有單父城即善卷也傳言

堯師或吳之善道也襄五年今盱台阮勝之善卷南徐記春秋時善道也

歸夔之封一曰夔杜甫所謂夔子國者後有憑

氏詳高陽後國

胡

歸姓世本左傳皆云胡子國歸姓歸姓夔有
歸姓王符云歸姓胡有何有有子也有九委
音故本一作洧宛地今開封扶溝有洧水有
曲洧城

何

歸姓虞帝末何侯得道於九疑今道之寧遠
廣濟鄉有何亭墟然伯陵同何女緣婦則何

姓黃帝時已見若僧伽何國人則非此泗州僧伽

傳云僧伽何國人世謂不知為何國人按西域有何國見隨書

謹 濟之乘丘有謹亭或云謹兜國今濟治鉅野

齊人歸謹預云濟北蛇丘西有下謹亭說文

作鄼

中容 山海經中容之國舜之所生或云即諸馮穆

天子傳有容氏國或是

右五帝時侯伯國其有先代後者見逐姓

下

泌嘗謂古之法皆可行于今學者得無笑

之封建民兵井田肉刑豈惟可行於古固可行之今非惟可行之今亦可行於後惟通變而已矣易曰通其變使民不倦通變天下無敝法矣唯古與今同此之天均此之地又等生乎此人日月八百率十里為湯沐於王城何得此八千里况以商三千率三十里於泰山之傍乎商之三千使率依男為附庸三猶應附九千國况以夏萬

國率九率十於侯伯之邦乎是備湯沐者
固有數而無附之國滔滔是也町原防井
衍沃則衍沃者以井而原防固以町是井
田不可概施高庳之區矣戮防風流共工
則宜戮者戮宜流者流是肉刑不得專用
於三五之時矣是故外諸侯嗣有所不必
嗣內諸侯祿有所謂嗣先聖之法要必如
是而後可以行之萬世而無敝專用者固

無時可時而措之何時而不可哉可井而
井可町而町何厭乎今田之井可流而流
可戮而戮何患乎今刑之肉而益削之法
堯舜之道蓋亦設法而時措之者天下之
大萬國之多惡者何勝削而善亦何勝益
哉諸侯之疆有定域也今日之益曰取之
閒田明日之益地於何取東西有閒田南
北當益地將越數百千里而取之乎抑乞

之其鄰乎徒取諸彼以與此然且仁者不為今日削十數明日削數十果先王之意邪吾固曰此先王之法設而時措之者也且湯伯也文王伯也湯以七十里而文王以百里自稷契始也自契至湯自稷至於文王如是久矣非無賢德也而地不加舊是則無益地也然則禮記白虎之義其亦繆而不足徵歟錫之山川土田附庸錫魯

公也錫山土田于周受命錫召虎也無益
地哉蓋昔先王三歲而一脩封必其俊異
之功殊偉之德乃於千百輩中陟其尤者
一二而稍益之故善者以勸必其敗羣之
憲違命之最乃于千百輩中絀其一二尤
者而稍削之故不善以沮時而措之是所
謂益削也魯公召虎見之歌頌惟其希濶
而不可易得也乘馬之法凡立國都非于

大山之下則必廣川之上高無近旱而水用足下無近水而溝防省因天之材就地之利是故城郭不必用規矩道路不必用繩準又孰有城畿國服開方引直而可為者益削之法豈一概之施哉

夏世侯伯

西王 夏后師西王惲

童

童律一作僮即鄧也故下邳鄧縣後有童鄧

鄧氏姓纂出老童非

狂

夏后臣章律狂章按經有狂水逕綸氏城在

今陽城有狂氏

宋大夫
狂校

繇余

錢記作由

晁氏

今弘農有地名晁一作郎斷

盧氏

今之盧氏縣有盧氏山

章商氏

犁婁氏

鴻蒙氏 右五神夏后所因者

烏

烏陀陶臣或云烏陀猶鴻蒙又烏木田太康

地志梁國烏縣今國孰西南二十烏城

郭

郭哀夏后御博之聊城有郭水出東南郭商

有郭崇子

三一經云商人彭真人弟
予以嘗殺人不得真人

范

今幽之范陽漢縣有故城在易東南有范水

扶登

扶登氏典樂之臣

豎

豎亥國或作豎亥

杜鳳翔普潤漢杜陽地有杜水

既七大夫杜子墨既子黥

孟孟涂國隱十一年向盟即孟令河南孟津偃

師西三十一里穆傳至於孟氏近河南

丹塗後封今建平郡有丹陽城括地象云丹陽
故國歸州巴東縣也

甘鄖西五里甘亭水經在甘水之東啓扈戰其
野

屈北屈 隅之吉鄉北二十一里有古屈城北屈也晉二

屈

驕 夏后伐屈驕呂覽云啓

曹 潛大論曹有姜姓者

魏 夏后攻曹魏呂覽亦以為啓詹伯曰祖自夏

以稷魏駘為吾西土盟會圖云嬴姓非姬姓魏

西河 后啓征之見紀年

有洛 洛也

上洛

商州上洛郡治上洛晉地紀年晉烈公三年

楚人伐我南鄙至於上洛漢屬弘農唐洛州

侯爵風俗通云夏諸侯國今利之肩山乾德

三年平蜀天寶元日肩山出舞衣今川錦有肩

氏嗣氏

鄧氏云
國諱改

租

羿邑襄灋之衛南縣東十五有故租城一曰

外里襄十一年城租者邑界宋魯

窮

有窮羿邑楚地今壽之安豐有窮谷窮水即

窮石故記皆謂刪丹蓋以淮南子弱出窮石
窮石山在刪丹今在張掖似太遼隔楚人救
潛沈尹戌與吳師遇於窮潛今之舒與寒過
皆相通因夏民代夏政則此為近故得及夔
子也說文作竈

寒

浞國邑樂史云伯明氏所立本國世本云祁

姓今濰之北海東二十三有寒亭

杜云在平壽東今壽

光界非晉塞

晉地丘氏一曰塞氏

過

夏之國即有過括地象云猗姓國今萊之掖

西北二十有過鄉過亭

地道記有過城

有過氏

戈仍

別見

鬲

有鬲氏夏諸侯近鬲津後有鬲氏

晉書膠鬲後非

令

德之安德西北有故鬲城即有隔

世族譜有鬲與有隔非

為二漢之鬲縣應氏以為偃姓臯後酈氏以

為有窮后國俱非

武

武羅

世本云夏武羅國冀都之武邑一云衛北境

武父陳留有武父城

厖圉
厖圉國莒邑有大厖宜出厖降

猗
河東猗氏縣南二十有猗氏故城魯人因陶

朱興富於猗氏因曰猗頓

棲
猗姓

疏
猗姓潛夫論棲疏猗姓

女
女艾國汝也商有女鳩今之臨汝一云晉之
汝濱本陸渾地晉取之集韻如音如鳩

東海 后杼征東海伐王壽

王壽

宜是平壽衛之下邑在濰州西南三十里

有易

經云王亥託於有易河伯僕牛有易殺女王亥取僕牛竹書云殷王子亥賓於有易淫焉有易之君綿臣殺而施之是故殷上甲微假師於河伯伐有易滅之殺綿臣

原

后杼居原者預云泌水西北有原城今河內

軼桀以原侯夸師者

千桀臣千辛邪也說文邢國屬臨淮一作邢吳

地昔吳城邢溝今揚州故廣陵開皇曰邢江

十
八武德邢州七今作韓江繆

蒙山

岷山桀伐蒙山氏即岷山氏今蒙州蒙山郡非晉
陽之

蒙山

有施

扈

趙

桀世趙梁

伊

摯所尹六渾伊川許氏所云伊維侯國

萊

湯佐命萊朱國

登

湯御登恒有登氏

慶

湯臣慶誦

湟里

七大夫有慶誦湟里沮

頑

樵云鄭地

卞

十隨蓋晉下

漆

鄒國乾之永壽漢之漆縣今鳳翔之普潤有

漆水昔隗囂攻畧陽上至漆漢之漆今邠治
也寰宇記邠之新平漢漆縣有漆水屬扶風
非寃句長垣之漆舊云防風氏漆姓後然
世本無漆姓防風姓黎

南巢

右夏世侯伯之國

堯禪舜禹為司空平水土即成五服至於

五千

堯五服服五百里要服之內方三千
里其外荒服為之四海方五千里康

成謂方萬里以七
千里為九州委也方以為國五國有長長

有師十長而一師師五十國州十有二師

州有牧牧稟命於上京

此以傳之說裁之

外薄四

海咸建五長

四海謂千里要荒之內要荒雖異九州不盡建侯亦有五

長五國之長也

五長甸也為

一云每方五長五百里以為甸

甸也為天子治田

里賦納總二百里納銓三百里納秸服四

百里粟五百里米邇重而遠輕甸服之賦

供天子四方之賦供諸侯甸之外率五百以為侯綏要

荒甸服外即為諸侯侯者嘒也惟以射而

荒進退侯外漸遠綏之而已綏者輶也綏

外益遠故惟責其要服之外則又荒遠邇

於夷矣此唐虞之制也周之九服不能如

是佃服即移侯服之外采又在男之外衛乃在采之外而侯邦男邦且雜建於天下無復遠近之別知虞夏之制為盡善侯服之內采男諸侯之所隸也卿大夫采在六百里內男國小在七百里內侯國大在千里內以大庇小故男在內懼大陵小故侯在外周又異於此矣綏服之內以揆

文教以奮武衛千三百里之內近於侯服使揆文以教為以文治千三百里之外逼於要服使奮武以衛亦猶今之邊郡尚武畧也要服之內

夷蔡屬馬荒服之內蠻流屬馬禹貢蠻夷三百里流

蔡二百里此言其實與上古侯甸不同夷性近人蠻性遠人故夷近而蠻遠罪輕則

蔡之夷罪重則流之蠻大不可以變而不
忍殺則放之要荒爾左傳蔡蔡叔說文作
樂散也放散之也書云因於郭鄭安國以爲中國之外非侯綏之內八

州所布州六百國

凡四千八百

要荒之內惟不

悉建隨地而區

通之則亦萬國

甸服親事時時而

見侯服歲朝綏服再歲而朝要三荒四四

歲而天下諸侯畢一朝一朝則天子時巡

所謂五載一巡狩

羣后四朝東漸于海西被于流沙朔

南暨聲教小大之國內外之侯三正所用

蓋七十有餘國

十二師之制州六百國故說者謂十二州為七千二

百國州擇十二諸侯以為之師以九州則異矣鄭謂每州得百里之國二百七十里之國四百五十里之國八百州計千四百國以二百為名山大川不封之地餘百國以立一師州十二師八州計九千六百國以坼內子男備數為萬所謂萬國固非必如是惟周王撫萬邦而幽王且有萬邦之屏周亦何由有萬邦哉謂禹即成每服加五百里為萬國尤妄

嗟乎塗山之會贊玉帛者萬國

其君長世及不知其幾侯伯也其可見于國名紀者如此而已令名醜行均寂滅而

無餘矣况流風善政之欲知乎後世之士
蓋不勝臘薄也德藝智畧曾不足以任建
立而第相粉澤蓋功蚤德以剗剔金石而
斲取流傳乃至爭起片文隻字以圖自託
於不朽者其果足以滿戴晉人之一快耶
彼夢者之在寢也其四肢鼻口率故形也
據其旁者未始一見而若之神游或羽而
儻或冕而朝城郭宮室輿服臣妾乃忽富

而驟榮宮偕興乎時鹵簿歛乎後若無有
極逮其既覺蘧蘧然無毫黻之可攬矣然
後自笑其始之妄而輿然以悲然則竊勢
希合次且憫日專利呂封已者其大言焜
熖未始少變而且枵然顯大自智莫之與
對顧不為尹氏老役咍者鮮矣孔子曰禹
吾無間然矣夫孔子之功惟見于六經而
自比于禹夫子于禹若不相似然然而後

世且曰生民以來未有則六經之文比隆
堯舜可也比之于禹蓋小着矣宜乎後世
之不以為非也予觀班志劉畧文字固已
不勝紀矣其果皆有益乎無益也而隨唐
之書卷卷之多動數十百千萬使後之學
士腐唇蔑齒眵昏雙明而不知其統豈不
悲哉古人云脩短隨化皆期於盡予攷古
之封君曾無隻影而文人詞士殘窮竹帛

誠不能不以之興懷從而列之焉知後之
視今不猶今之視昔也

商世侯伯

馮

馮夷國詳文昭中

應

汲古文云商時國寰宇云故城郊城東南四

十故殷之應國杜云寰

陽城父南應國也

隗

史伯云南有應鄧西有晉隗

侁

姚也有唐韻古

一作犹邾先典切

集並典切

說文

云商諸侯為亂者或以為莘非

集小禮切
又音韻

妘

傳云商有妘妘

昭後三
有妘氏

云邳也定元年有邳

薛地今淮陽治下邳集同胚姓纂纂要方凡

切姓苑始音鄙一音缶

弁

點

終葵

商時侯國後有終葵氏

高平

商有高平子見三一經

薄姑

商諸侯即薄丘一曰蒲姑在青之博興地志

有薄姑城在臨淄西北五十

杜云蒲姑城在樂安隨博昌北

唐博興也青圓經云與四國作亂成王滅之以封

太公按史記則胡公徙之

按晏子與鳩氏始居之季前因之伯

陵又因之薄姑氏又因之然後太公因之與鳩太昊時季崩夏季而伯陵薄姑商末也然

太公實居營丘非此

落姑

按春秋傳落姑齊地

閔元年或云魯魯大夫采

姓書落

姑氏

蒲侯

襄公與莒子遇蒲侯氏二十二年預云邑名

蒲如

商侯國齊地有蒲如氏預云下邳取慮東南有蒲如城春秋蒲隧或云即薄姑蓋其分也

姑幕

商侯國今密之莒東北百六十有姑幕故城

故晉琅邪姑幕縣後齊併入東莞晉志通典

十道記等俱謂即蒲姑蓋非又史以為薄姑

氏國與四國亂周公滅之以封太公又云青之博昌界有薄姑城是亦一之按書大傳謂

奄君薄姑語錄父舉事以薄姑非名誤矣傳

所謂薄姑商奄吾西土者豈惟晏子之言哉

酈山是後為酈氏食其氏音異基其孫賜為氏侍其氏

其曾
賜
氏

黃洛 窦子記盧龍有黃洛城黃洛水殷諸侯國

貸 成湯時有貸子相

邊 商國周有邊伯莊十
八年

膠 膠革國今沛之公丘續云本膠國通典則以

萊之膠水為古膠東國括地象云在膠東南六十里即墨城也

錫
錫疇

商末錫疇子斯一云錫疇國鄭六邑有戈錫
錫宋鄭之間鄭人滅之以處宋元公之孫

瞿

商罟有瞿父鼎有商瞿氏宜為瞿上

陵

玉篇國名宜即鬷三鬷也湯伐之字書書傳

作鬷從舟故雅訓至

隸從月

史文通典變一也

漢廣川子則封三鬷侯屬東海

甘盤小乙臣高宗學馬後受遺有大功

九鬼

紂三公即鬼侯

明堂位為
紂所殺

彪云鄴西鬼侯國

也隨圖經臨水縣九侯城今相之隆陽有九

侯城

磁之滏陽
西南五十

誕生音仇故或謂即阤非

羑

羑里地在相音九或即九字書音牖失之

鄂

史記九侯鄂侯為紂三公紂虞所封南陽所

謂大夏有鄂氏

姓書出
晉鄂侯

或作邢非

邢

邢

邢侯亦紂三公

昭十四晉施邢
侯音邢作邢訛

或云即鄂即

云邢侯俱非按世紀邢侯事紂以忠諫死而
邢為文王所伐文王豈伐賢哉

邢見武穆中

崇二

崇侯虎紂佞臣文王虜之今崇有崇城崇侯

墳九域志云虎也

集韻鄴猥

寰宇記彭城北三十

垞城臨泗水秦地志云垞城古崇國充人謂

寶中城曰垞

直加

城西南有崇侯廟

在廟山

興

秦崇異

杜云杜扈永和志云在秦晉之間蓋以宣元趙穿侵崇以求成於秦也張

子厚疑

非一國

虞芮

別見芮

文王質虞芮之訟暨師武伐紂乃收虞師芮

師

六朝春秋虞公虞仲之後

周初封之小國稱公

今陝州

密

文王伐之詩云密人不恭者事見周書蓋與

紂有謀周之意

黎

夏諸侯九黎預云東夷國晉侯畧狄土立黎

侯非文王所戡矣故晉志二黎國

飢吼

者

昔文王伐飢本作吼音祈即耆黎也周書傳

五年伐耆而大傳作戡耆故說以為黎也

周傳

一年質虞芮二年伐邢三年伐密湏四年伐犬夷五年伐者六年伐崇周紀平虞芮明年

伐犬夷又明年伐密湏又明年伐崇侯虎字書帆訛者又明年伐邢又明年伐崇侯虎

字書帆訛

弭飢帆同集云伊弭古爪子號按弭有祈

音兔置叶達趙王歌龜策傳皆叶之也

鄧豐也事周紂惡之韓子云文王侵孟克莒舉

鄧三舉春秋徐之豐縣又楚地

杜云祈縣南有豐鄉

閼有閼夭為閼氏

漢廣陵相侯孺

散宜散宜生後有散氏

於陵書大傳散宜生之於陵氏今淄之長山

長子 周史辛甲封今潞之長子晉執衛石買處

商蓋 周公勝殷將攻商蓋辛甲曰難攻請先九夷

攻九夷而商蓋服

庸 庸氏伯爵助武伐紂今房之竹山漢之上庸

文十六楚滅之楚亂率諸蠻叛楚也寰宇記上庸故城在州西二百五十楚子為庸浦之

役說襄十三蜀地文鄜南夷國寰宇記金州周庸國地戰國時為楚附庸後滅之
楚使盧戢黎侵

庸 有裨儻魚三邑

髦

庸蜀羌髦微盧彭濮皆西南夷助伐紂者

微

瀘

盧戎也古文作蘆齊之長清南五十有盧城
齊鄭尋盧之盟者然非此記每為盧今襄之

中盧

寰宇云中盧盧戎國文十
六年楚師自盧以往者

彭

黔之彭水縣又有彭溪在忠之臨江即巴賓

彭濮者非濛陽矣

僰

僰侯國今戎之僰道音撲一作僰集音棘云

卷二十一
縣名又音拍慢

靡

周書世俘云武王伐靡及陳者

戲

武王克商命呂佗伐戲方云紂畿內按襄九

年戲鄭地

艾

侯爵穆鼎有艾侯作収王俅以為共誤并之

廣陽漢之上艾後漢石艾也又吳有艾縣隋

入建昌有艾城今在武寧

佚

武王俘艾侯佚侯小臣四百六是也皆商國

恭

姓纂云商末侯國

歷

華

國莘

思

康成云商有思侯梅伯

霍

侯爵武王禽之汝之梁縣西南七十有故霍

世本云霍國真姓

今本作姬姓

知非晉霍

臧

文王觀於臧遇臧丈人釣者近渭

遲

商有遲任賢者集韻引書遲任

鄺

呂春秋揚鄺世本又君新鄺字從邑僕也當

邑國

右商世侯伯之國

王制四海之内九州州方千里建百里之

國三十十三公七十里之國六十十六鄉

里之國百有二十三十二小卿

內大夫

凡二百一

十國三等相倍八州千六百八十國大二百四十次四百

八十小九名山大澤不以封與民同財

稅供而已

餘以為附庸閭田

州餘方百里者十方十里者六十若封者為附

庸未封者為閭田有功者取之閭田錄之其有削地則歸之閭田

公侯者三為三公之田有致仕者

寰縣內方百里之國九

視公侯者三為三公之田有致仕者

副子之為六餘三以待封七十里之國二十

王子弟其一大國之命

視伯者六為六卿之田致仕者副之為十二又三為三孤餘六待封王子

弟其三次國之五十里之國六十有三

視命三孤無副

子者二十七為大夫之田致仕者副之為五十四餘九以待封王子弟此鄭氏說非必盡爾然鄭又以王制前所言三公等田為商制後言縣內國為夏制采地殊不可

曉凡九十有三國三等而二倍之名山大澤不以

盼王以給民其餘以祿仕以為閒田畿內無附虞人掌之

庸餘方百里者六十方十里者九十六周官以大都之田任疊地公所受地在馬小

都之田任縣地鄉所受地在馬家邑之田任稍地大夫受地在馬此言縣內舉中言

之然則公邑之田任甸地元士于此受地可知此其大凡也其地有餘有不足蓋又有通法故卿或在縣地取足于封而已甸稍縣都無過十二謂如百畝而徹賦民什一於一之中又以十分為率取二九州千也畿外諸侯以歸公上大畧如此

七百七十三國天子之元士諸侯之附庸

不與

八州餘方百里者百八十方十里者四百八十附庸祿仕閭田在焉寰

內夏后氏之畿也故康成以為夏氏之衰

戎狄內侵諸侯相并國滅數少商湯承之

更制中國方三千里以為九州建此一千

七百七十三國杜佑因之蓋失之矣夫湯

之興資者三千

王觸云湯時諸侯三千洛誥傳云武王伐殷同國三千

千長育其材設其禮義被之文章便可與事宗廟也千八百者周家

之始受也

九州州方千里此於禹服五千里內斷長補短建國多寡之數

三代同也鄭謂湯制中國方三千里周公復唐虞之舊為七千里妄也孝經說云周在七八百諸侯布列五千里內足相參攷烏百年間不應所減如此商之去周又數百年何得並無減損知此周數商益多矣書傳云退見文武之尸者千七百七十三諸侯玄謂此周所因商世九州諸侯之數所謂萬國固亦號數千里之後制知文武之制千里之內曰甸千里之外曰采曰流向者服治田出穀稅采者采其下言流取以當穀稅謂所貢物上言采下言流天子百里之內以供官千里之內以為御官官府所用御御府所用百里內謂如納穂皆粗者千里內謂

如粟米皆精者太府入賦不以遠物待近
近物待遠近供官遠為御也太宰制國必
合王府之賦為之調度此則王府之千里
所供止百里膳服之御必千里也

之外設方伯

州

五國以為屬

以屬制名大
事從其長小

事則屬有長

州四十
二長

十國以為連

以聯制
名言以

專遠

邦職以役
事如聯也

連有帥

州二十
二帥

三十國以為

卒

以卒制名言以比追
胥令貢賦如卒也

卒有正

州七正連
比年東

車卒正三年東徙

五年大東車徒
羣

二百一十國以為州

州有伯

牧八州八伯各以其屬屬於天子

之二老茲商周之通制也

八州八伯五十
六正一百六十

八帥三百三十六長凡五百六十
八多少雖不同方伯連帥一也

嗟乎置

天子非以優天子收天下也置諸侯非以

優諸侯收一國也諸侯之有方伯連帥牧

長卒正非以優彊大在小國也故以小事

大大字小致治之要春秋之所與也分災

救患濟弱扶傾是王政之所急黎侯迫逐

衛宣不救而施邱以為責四國災流許人

不吊而君子必其亡

詩云伯也執殳此州
伯也時齊侯亦自謂

小伯見國語

是故什伍之法於州鄉則聯其民

於師畋則聯其徒於宿衛則聯其官夫然

故能以中國為一人而無內患為屬連卒

州以聯其國為長帥正伯以聯其人夫然

故能以天下為一家而無外虞此大司馬

比小事大以和邦國若職方氏邦國小大

相維之事也先王之建諸侯豈顧私其力

以自衛使子孫世得王哉不如是有不足
以寧天下而世之治不治子孫之世不世
有不在乎此也世之人徒見三代之能長
則以為建侯之力見春秋之紛亂則以為
建侯之失夫以禹之功又非無諸侯也而
世未三易太康不道俄失其國其所以未
亡而再集者幸有窮之顛越而少康之明
賢爾諸侯何力之有東遷之後非無疆大

也然而載祚數百世乏令主猶克永世雖
危無咎則周公之法在而四國不能以相
賓也諸侯亦何罪邪先王之設法固為後
世之能守者設也使後之世果能守邪安
有春秋之末世苟能守則亂之起有繇
矣豈設法之罪哉謂諸侯之敝有春秋之
末世則司馬氏之季天下裂於夷狄大業
之際天下散於盜賊其為禍亦至矣豈以

卷二十九
有諸侯至此極邪

丁 武王時丁侯叛者

羑 羣侯今武功縣界有羑陽故城或云湯陰者

非湯陰北六里有羑城羑水城北臨水周二百五十步即羑里城史肯牖里元和志牖

里一名羑城湯陰北九里通典相州湯陰羑里城隋國經湯陰有防城紂囚文王築此防

之

濁

有濁氏

元后傳有濁賢濯氏

鄭有子濯孺子風

俗通云濯輒之後說文

濁水出齊郡厲鉅山東北

穆

穆王伐之大起九師東至九江蠶蟬為梁在

江東矣

紀年四十七年

因

穆王西征至因氏郭云國也近河

房

穆王里圃田之路東至於房郭云房子國趙

地有贊山紀年作鯀即高邑之地

十道志云高邑趙房

子也通典云趙臨城舊房邑寰宇
有房子城漢之鄗邑後漢之高邑

郊

穆天子傳有郊子郭云夷國有德者稱子

崩

崩猶也崩伯黎國穆天子西征至於崩河宗

之子孫蒯伯賛逆天子郭巨肯切伯爵賛名廣韻上聲引之云漢有蒯城侯又步登切故楚漢春秋作憑城又作馮馮朋通也地記陳倉有蒯城云河宗之子孫則宜在此非沛之

蒯姓纂作蒯伯賛穆傳今作蒯伯絮訛

蒯

說文沛城父有蒯鄉玉篇蒲梅切蘇林廣韻為薄回切云鄉名在右扶風集一作蒯又音浮顏為薄肯切則又誤矣姓纂蒯氏以為出

伯蔡國在虞芮間者妄或作鄗非諸廟廟廟
廟字並詳

字經

鄗

鄗是春秋剏得之先訛為鄗苦怪切括地志
河南縣西四十有剏亭縣今有剏鄉玉篇說
文鄗從鄗省汝南安陽鄉名或作竇

周世侯伯

鄗

部

鄗也魯取之

襄十
三

預云亢父有鄗亭亢父隸

濟說文附庸國漢志詩亭詩國水經云春秋

詩國也在任城界樂盈克鄣乃齊地例云平

陰城西有鄣山

鄣

成六年取鄣外紀云附庸

枸

邠之三水東北二十五枸原上有古枸城

見
寰

宇記郡縣志云安定縣界有三水故城

周鼎銘云王命尸臣官

此枸邑者班固以為文昭元和志從之非也

應云鄆侯伐晉者今謂水南一里有故城建德二為枸州三年廢皆因國誤城今在郿

淖

楚淖國先為淖氏集韻音卓

魯共王
淖祖

禍

周器南宮中鼎云禍人是說文有驟

賴

子爵蔡之褒信有賴亭楚滅之

昭四年

非炎帝

後賴春秋滅賴古本作厲故世以為即厲非也晉志厲賴二國

又哀六年安孺子如賴乃齊地

郵

王良邑為郵氏

庳

呂覽晉文之霸東伐庳廬者

渠

畿內國周大夫渠伯糾後有渠氏

昭二十六渠周地

昔

周大夫所封見風俗通通作夕故有夕侯後

有昔氏夕氏鉅鹿故昔陽城一云貝丘今恩

之清河有鄆亭乃音籍清河乃秦曆縣貝州

也或云臨清
有鄆鄉非

用

風俗通云古用國見毛詩在高唐乃用地故

有用姓

名士錄有
用羽之

呂

徐之彭城東有呂梁城五十九里春秋為宋

地漢呂縣

鄆

甫也汝南上蔡有鄆鄉鄆亭或云即呂非也

孝經偶引呂邢為甫僉

鄭 在穎川玉篇云甫侯所封非按鄭世家有鄭

公本許云

鄭

鄭地今滎陽有鄭水城鄭水濱也而故鄭城

在襄邑東南有故城襄元年次鄭者非姒姓

鄭故晉志有二鄭國

宋

春秋有宋子乃小國今趙之平棘有宋子故

城漢之宋子縣非微子國封

鄭 奧一作郁有郁氏姓

慎潰 魯有慎潰氏奢侈逾法敗家

語

沈猶 古附庸後魯沈猶氏孟子有沈猶行姓

范云太山人

漢劉穢

為沈猶侯地在平乘

韻直忱切師古音審云沈亭是

無終 無終子翟國令翦之玉田渙陽亦其地晉滅

之燕為右北平有無終山

故無終縣在右北平城西三十萬歲

通天二為玉田以蔽北燕之路亦春秋之山戎

零支 齊桓公北制零支令平之盧龍故零支縣古

離支也

臯虞

故侯國漢郎邪臯虞縣

中牟

佛肸邑今縣隸開封開皇之內年北十二有

中牟故城又河北有中牟在濕之北趙獻侯

徙治者晉地瓊說詳矣班固杜佑以為滎陽

中牟縣故樂史以為河南有肸墓因年表誤

之衛侯如晉過中牟不在趙之東也

定九年
音車千

乘在中牟預嘗疑之吳曾云當在溫水之上
迪疑年表趙都中牟謂新鄭恐趙嘗都亦繆

矣

東牟 文登西北百一十有東牟古城

堂陽 九域記漢縣今隸冀城冢記商之太子封母

弟才為堂陽侯在堂水之陽

闕鞏 國也昭十五年傳有闕鞏之甲

郇瑕 預云郇瑕古國售二十四
郇瑕氏伏氏云在解東郇

瑕氏之虛也地薄水淺近於鹽謂鹽澤也然

郇與瑕二郇音環詳周國中瑕見卷末

析成

今鄧之內鄉

介根

東夷預云黔陬東北計基城即介根國漢之

計斤今密東南四十計斤故城

廣記密之膠
西介葛盧國

黔陬隋省入膠西故城
在今諸城東北百一十

徐吾

徐吾氏茅戎之別後有徐吾氏今潞之屯留

西北三十有故漢餘吾城

閼與

通典儀之和順韓之閼與

趙奢破秦軍處
和順今隸遼寰

宇記今名島蘇城銅鞮西北二十令潞之銅

觀故闕與城漢梁榆也

九域志一曰榆城盧
堪征艱賦云訪梁榆

之虛郭乃闕與
之舊都謂此

安陵

國事云小國侯其後氏安陵經為楚王妃

卑梁

吳之邊國吳梁氏卑梁人也楚滅之今濠之

鐘離吳世家昔卑梁女與鍾離人爭桑相攻

遂滅卑梁

曲梁

晉伐之

宣十

今之路預云廣平曲陽縣今治

之雞澤漢曲陽地

仇吾

一曰仇繇韓子云仇繇小國為智伯所滅後

有仇吾氏

呂春秋中山國有風繇之君智伯伐亡之即公一之誤

一作

公猶非國事云智伯欲伐之遺以大鍾

韓子智伯

以大鍾遺仇繇見二十六卷又云遺以廣車按河東孟縣有原

仇城元和志以為仇繇樂云即孟之外城仇

繇城俗名原仇九域志亦在九原并

公猶

班志屬臨淮今泗之連水代以為即仇繇非

智伯所伐不在是

鍾吾 一作鍾吳春秋鍾吳子國昭二十七吳滅之預云

泗之宿遷西北十里司吾故城是寰宇圖為

鍾吾氏漢尉氏今

鍾吾蒼

餘丘 於餘丘也莊二慶父伐之預云為邾所併故二傳云

邾邑經不繫邾魯附庸也邑不言伐

沙隨 春秋地名云本國也今南京寧陵西北七有

沙隨亭成十六預云北

浮來 即邳來紀邑今東莞北有邳鄉邳鄉之西有

公來山邳來澗

彭戲

秦武公元年伐彭戲氏於華山地近華陰

蛇丘

音移封者為氏泰山蛇丘縣

葵丘

外黃東有葵丘大夫邑食者氏焉英賢傳有

葵丘欣

頴

春秋圖有頴國樂云頴侯國通典以為洛之

頴陽考叔邑即城頴許之長葛西一里有故

頴城頴谷

考叔冢在汝廟在許

亦有周頴

昭九年
頴周地

遽

伯玉先國陳留傳云長垣有遽伯鄉一曰新

鄉伯玉之冢

單

單伯魯孤與周之單子別

介

之推先國即汾之介休有介山縣上山地今

沁之縣上寶華以為密界晉黔陬乃介根也

駕

楚附庸吳圍巢伐駕圍釐虺者

成十
七年

湯

毫

秦寧公二年伐湯三年與毫戰蓋京兆杜毫

豐

秦襄公以弟穆羸為豐王妻地蓋豐水之西

一作鄖

哀四

昔文王侵孟克莒舉鄖三舉而紂

惡之

韓子

預云南鄉析縣南有鄖亭

譚

儲

齊大夫有儲子姓源云儲人後繆

鄼

春秋鄼闡一作謹在鉅平今濟北蛇丘西下

謹亭唐入鉅野

今濟治

然此為聞喜之鄼有鄼

亭自音圈水經蛇水逕下謹城南即灌水也

今冀
丘

析 所謂析酈楚附邑白羽之地秦人過析隈今

鄧之內鄉有淅水魏淅州故漢南陽淅縣

聊

聊莒即墨胥齊東界今博之聊城漢屬東郡

攝

昭二十

晏子云聊攝以東故博平是今聊城東北三

十有故攝城博平西南二十或以聊攝為一誤

博

究之奉符漢之博縣隨為博城

涓

齊有涓子涓蜀良之先荀子涓蜀呂濁良非

離

本舒鳩地今通利軍之黎陽有故東離城漢鄧弱為離侯於此史表或云黎非

儀

儀封人儀之封人也注衛邑今開封東明西

北二十有儀城

后

宜即鄅有后氏

弟子后處云出后土妾

牟

牟子國楚滅之為附庸預云泰山牟縣令奉

符

廣記奉符漢牟縣故牟國旗云登之牟平非

鄖

莊十
四

衛縣大夫鄖子士音眷衛侯自鄖入哀十
七本

齊豹邑曾植之封晉八王故事云東海王越

洎郵城城無故壞今濮之郵城漢屬濟陰

邾 本紀邑有邾故城在青之臨朐東南

鄆 昭十一年鄆魯地舊云都昌西之訾城詳楚後訾

郚 密之安丘西南六十故郚城漢郚縣杜云下縣南又

朱虛東南有郚城文七年五梧紀邑後

屬魯南與邾境莊元齊遷莒邾郚凡書遷者自是

滅矣

崇

春秋之箕崇小國趙穿尋崇者非崇侯國

盧

九域志盧州古盧子國劭有盧氏

邾

鄭地時來也預云滎陽東釐城

呂

河東永安博物古今地名記有呂鄉呂甥之

邑郡縣志云霍邑西南十里有呂城紀聞云

霍邑古呂州即彘也

唐為呂州
彘即永安

其城甚固

紀年

晉獻公十九年會虞師伐虢滅夏陽號公醜奔衛乃命瑕父呂甥邑於虢都志云北虢也

非彭城

樵云彭城東五十里呂梁漢呂縣

肥

二

漢故肥城今在鄆之平陰志肥子國屬泰山

唐隸濟然菑川劇自有肥亭志亦云肥子國

蓋二邦云

魚

魚人逐楚師者

文十
九

長楊之魚城也

長楊西
北五十

四面
險絕舊云魚復

通典夔州春秋魚國也然魚

復之名始於漢也即魏之人

復故城在州西十
五汙河東十五

裨餗魚庸之三邑

裨

文十七年待於餗樵云晉鄭之境

餗

漆

從征記高平南平陽東北有漆鄉

杜

定十五

年城漆邾庶其以獮奔者

襄二十一

今兗有古漆

城

宛

即有宛長垣西南有宛亭近濮水衛宛濮也

戎

戎州已氏邑令宋之楚丘

九州記云已氏戎君之姓混吾之後

漢已氏縣哀十七預云濟陽東南有戎城此會潛伐

凡伯者

隱二

又山戎在漁陽

國都城記云燕北通山戎莊三十公

及齊侯遇於濟謀山戎以其病燕也令幽州東二百十三漁陽縣

茅戎在陝

杜云大陽西有茅亭亭今在襄州有平襄城
弘農陝有茅城樵云陳留襄戎在秦九域

襄戎在新豐驪戎在新豐莊十八瀘戎桓十
襄戎邑漢陽古襄戎在秦記泰莊二十八瀘戎桓十

姜戎僖三十二陰戎昭九

蠻
哀四年蠻氏潰蠻子赤奔晉今河東伊陽伊

闢鎮即古戎蠻子國漢新城唐伊闢也以梁
縣西南蠻中聚為

其國今謂麻城

夷
紀所戎夷國也二城陽壯武治夷安漢壯武

城在即

墨
非魯地之夷閔二殺哀姜處若臯夷蕪湖東

淮夷僖十

三東夷居淮上者安國以為徐夷之屬非也閼宮詩與昭四年春秋淮夷徐明為二

狄

翟也晉語蒲人翟人狄類非一居中國者若

白狄

僖三十
三宣八

與秦同州預云故西河地有白

狄部胡

神異記
白狄先

今鄜坊綏延間皆其地一日
白翟

居乃秦高奴故董翳為
程王都高奴今膚施

中行穆子伐翟乃鮮

虞列子言襄子攻翟取左人中人則鮮虞矣

升

升羌居金城今蘭之五原

逮

風俗通云逮秦邑集韻音錄有录氏逮氏漢
有

速並高駢
將遠並

右周世侯伯之國

事之弘遠固有不得盡計於其始而有俟
於後之人者封建之事非一世之利固非
一旦之可為非一朝之事亦非一日之可
計要必因其平時漸而為之則何事而不
立是故古先哲王擇明賢比勲德年增而
歲益之所以成爪牙之勢者固非一旦而

衆建之也脩禮法謀連帥朝厲而夕勉之
所以為長久之計者固非一日而驟為之
也規模者本之前善善者存乎後是故義
炎以來歷載千百而封建之設猶有遺利
則凡事之立固不在乎始謀之善不善者
漢封諸侯初本率意事微周度是以土宇
過制歲未幾何而叛九起則其始謀者既
不善矣誠使惠文景武而狹克原其故脩

方伯謀連帥明君臣父子之恩正疏戚尊卑之分漸而維之使安其樂紕貪殘寵賢德崇惠而涵養之則三代之緒將復見矣柰何吹齋過計一餧廢膳遂使成功頓毀美惡俱盡而不可以復起豈不惜諸是故成久長之業者必非一旦之可為也周有天下商之諸侯存者猶千八百因而崇之故為勢易而說者謂周之興也八百之侯

同會伐紂故不得而不封且以為一旦封之此皆書生嘵謬嘗試疏闇譚也

暴長者云云推久長之策造速成之功此非陛下之福天下非一時之用海內非一旦之功云云朱浮云

上世妃后之國

華胥 伏戲母國在閬中列子云華胥氏之國在弇州之西台州之北

娥陵 女媧氏之臣有娥陵氏

少典 黄帝父大叢少典氏則其後襲封者有典氏

姓纂又有
少氏妄

有喬 僑也一作橋少典取有僑氏傳作有蹻賈云

諸侯集云古諸侯又云上世國名後有喬氏

國語有喬故玉篇為居兆切

後有喬氏

橋氏蹻氏春秋有蹻固漢有蹻彥

姓纂以為蹻牛後

承桑 神農取承桑氏一曰桑水陝之靈寶有桑里

亭晉桑田今即
陵有桑里

西陵

黃帝元妃嫫姓國作儻同今江夏安陸間故

吳以安陵為西陵有嫫氏西陵氏

春秋有西陵焉見世

本

方纁

黃帝次妃方儻氏一曰方靄靄纁聲注

靄祖方靄

用字每相犯故世以方靄即靄祖誤

有靄氏纁氏儻累雷儻

累單從田皆

字非

彤魚

黃帝三妃彤魚氏國固表作彤非

干類

青陽取干類氏生少昊後有類氏

蜀山 昌意取蜀山氏益土也詳前紀今濟有蜀山或

其分也

鄒屠

高陽取鄒屠氏者昔黃帝戮蚩尤遷民善者

於鄒屠

勝漬

勝奔也高陽允妃勝奔氏國

帝系注宋或作
衆云國名

騰隍誤

根水

卷章取根水氏今土軍縣有根水是史多作

鄖水非

鬼方 陸終取鬼方氏殷高宗伐鬼方或此

陳豐 一作鋒鄧也僑極取陳豐氏生帝嚳譽復取

陳氏生帝堯齊之豐丘陳氏邑也

有娀 帝嚳次妃國訛作嵩殷武疏簡狄國桀敗有娀之虛

蓋陝號間

故世紀晉志桀敗於焦淮南子有娀在不周北遠

有娀氏

嵩氏

有陬 帝嚳三妃之國音輒史作訾陬或作陬訾俱

非姓書訾三時諸侯

富宜 帝堯取富宜氏史記班表作散宜散宜為二

登北 帝舜之三妃傳多作癸北

姓纂又作癸比經云國在

鉅燕之南倭之北屬燕

有婁 縣納有婁氏生伯禹唐韻云國名帝繫作有

莘今陳留有莘城國語之莘虛

土敬 縣妻土敬氏見山海經

塗山 太康地記塗山故當塗國固云九江當塗今

壽春東北塗山也

山在濠之鐘離四百十七里

當塗故城

州西九十六有禹廟塗山神祠山頂漢魏不

害劉聖公為當塗侯國

應以為會諸侯處
非塗山侯國大誤

酈山

戎胥軒取酈山氏蓋即酈侯

契和

老子祖理徵取契和氏後有契氏

純狐

后羿妻純狐氏浞納之

有仍

見商世國

州山

南岳取州山氏曰女房

右上世帝王妃后之國

子曰周監於二代郁郁乎文哉文者禮文
加詳之謂也夏商氏非不文也以周而視
之則猶質也方封建之行也豈惟利其私
哉予之所嘉亦正以其文也且姑以大婚
一事言之王妃取於諸侯而王女下嫁於
國君之世子不過下一等爾逆送之有文
以相接丙丙乎不可尚矣自其郡縣而兩
勢懸后妃遂取於齊民而王女下嬪於匹

庶矣豈不異夫

桓二年紀侯來朝何休以爲稱侯者天子將娶於紀

故封之以百里謂天子得娶庶人女以其得專封非也

劉元輔云天子養天下之民

居天下之尊守天下之法能刑人能爵人然刑人當以罪爵人當以德豈以得專而

妄刑人爵人哉又况撓以情愛援百里之命於匹庶輕宗廟褻社稷使後代庸君欲

以百里之女共天地之事豈不失觀諸六

典云兩漢皆列侯尚主自魏晉來尚主者

皆騎馬都尉駙馬都尉鄙矣然兩漢亦不專列侯也

或曰何傷乎是

所以爲無私也嗟乎亦不究其本矣天下

多故人非齊聖敵則敬其相洎者未有不

生於不等者也秦漢而後不原其本脫先
王之意務以尊君抑臣為治列侯尚主帥
使男事其女而公卿婿天子者一至舅姑
屈跪其婦以故王陽條奏原以為失長樂
王回亦首其敝謂父母至不敢畜其子而
舅姑且不敢有其婦人倫悖於上風俗頽
於下則不等而已矣惟不等故不敬不敬
故相洎相洎不敬失伉儷之義矣失伉失

儻又烏足以言之封建之代哉

古之亡國

皮氏 信不行義不立哲士陵君政禁之生亂而亡

皮氏詳雜國中

華氏

方正日遠邪人專政禁之生亂而亡

六韜作
華氏又

博物志

平林

挾德責數賢能日疏位均而爭遂亡詩會伐

平林後漢平林盜起者按平林在隨縣東北

九域志 史記有平林老

引見姓纂

三鯀

美言聞於內惡言聞於外內外不相聞而亡

或云三苗

昭元

義渠

二子異母皆重君病大臣分黨以爭而亡春

秋之義渠戎秦昭滅之為北地今慶州

平州

二

功大而不賞謫臣日賞功臣怒而生變平州

出奔盟會圖疏平州在汾州介休西若齊之

平州漢平州國在梁父

宣元平州杜云泰山年縣西有平州鄉

有林

召離戎君朝之而不親禮逃而誅之天下叛

之林氏以亡六韜林氏國出騶經與葛鼠近

預云中牟林亭非

今開封春秋之北林

曲集

自伐其智廢仁義事彊力賢良伏匿君孤無

使榆州伐之而亡今符陽郡有集云萬山所

集六韜作西譙州氏伐之

榆州

孤而無使曲沃伐之而亡

見博物志當亦儀周書文今不見儀

之榆社

或云魏榆

晉曰雖榆亦曰魏榆預云朝歌東有雖榆城令衛縣

隨改

有鄆

蔑爵損祿後君少弱禁伐不行重氏伐之而

亡攷之潛夫即祝融後也今鄆城六韜曰會

氏

重氏

伐有鄆者宜向芒國滄之南皮有千童城年

表云故重是也

城在今無棣縣
也云因徐福妄

上衡

與林氏爭權林氏再戰弗克上衡為義弗克

俱亡

有果

好以新易故故者興怨新故不合內外不附

而亡今果州

畢程

損祿增爵羣臣貌匱而亡文王卒於畢程

志引孟子
令作畢郢而武王嘗窮於畢程八
長安地今咸

陽

陽氏

自伐而好改作事無故業官無定位民運於

下而亡夫國以陽名者多矣如陝有上陽下

陽晉魯鄧越皆有東陽南陽難可悉數

穀平 慢類無親破國弗克業荆用國內外相援而

亡一作平氏

縣宗 狠而無親執事不從守職者疑羣臣解體國

無立功而亡六韜作懸原

扈氏

_二 鄭地預云滎陽故卷有扈城亭卷後齊入滎

陽故卷城在原武西北

洛氏

宮室無常池圃廣大工巧日進失其民時民

人匱竭饑餓不食商伐亡之即有雒

<sub>雒以邑
善魚卷</sub>

云漢火行忌水故去水加佳妄也按漢字從水不改師古云光武後改亦非史記已用之

六韜作有熊誤

重丘

二

以美女遺青陽者括地象云曹州武城有重丘故城今在濟陰東北三十一

亦曰
廩城

孫蒯飲

馬重丘遂伐曹取重丘者

襄十七年寰宇以乘氏東北三十七古

重丘與德之重丘異

邵云平原安德北有重

城是與德之重丘異

二十五年盟處乃齊地
邱鄉今有故重丘城在德治安德北樂史云故城在博之聊城東南

右古亡國見周書史記解及六韜周志凡

國三十皆叙其所以致亡之道以詔後世

者

二書俱云二十八國然文止二十有二今以張華等記參綜得此其有夏后居殷商○有虞○質沙○有巢○共工○南

氏○阪泉○玄都○西夏十國已別見

嗚乎謀人則智謀已則愚謀末則獲謀大

則疎此天下之通患也彼有宗社者莫不欲

安也俄而危矣莫不欲存也俄而亡矣虞

夏不可言矣商之三千周之千八百至秦


漢之世者不十一莫不失於是也有一襄

褐必即良工有一羊豕必資良宰人主欲
善射中微而及遠也則張貴爵厚賞以招
之內不阿其子弟外不隱於遠人惟能中
者取之雖有骨肉之親便媚之好不使之使
誠以不能是也至於治國御民調壹上下
內以固其城外以拒其難治則制人而不
制於人亂則危亡削滅可立而待然而求
卿相輔佐不如是之公惟便僻說已之庸

是豈不獨過歟是故明主有私人以百金
良珠玉而無私以官職事業國無常強無
常弱奉法者以強而不奉法者以弱荆莊
併國二十六開地三千猶荆莊之泯社稷
而荆已亡齊桓併國三十開地三千猶齊
桓之泯社稷而齊已滅燕襄以河為境以
荀為國殘齊而平中山有燕者重無燕者
輕魏安釐攻趙破荆利都平陸攻韓拔管

兵四布於天下而尋皆亡者羣臣官吏務
其所以亂而不務其所以治也戈盾異用
刀鑑殊施易位而用之則俱廢矣三公九
卿人之司命令也不惟其人而惟親戚便
安之與無故而處豈非大不智歟韓嬰子
云彼不能而主使之是閭主也臣不能而
妄為之是詐臣也主閭於上臣詐於下滅
亡無日俱亂之道故明主惟能愛其所愛

閭主則危其所愛矣予讀周志而益信國之亡未有不自己以求者後之取亡亦未有不出此而君人者尚不知戒豈不悲哉



路史卷二十九